

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

漢東

張河間  
崔亭伯


第

拾

冊

6.10







集部



崔亭伯集



崔亭伯集題辭

漢肅宗好崔亭伯文章稱於竇憲有  
真龍之目憲遂揖爲上客自古文人  
遭時遇主未或無因而前趙良嬖人  
長卿狗監作合之始不辭汙泥亭伯  
以四頌結知天子躬親薦達貴臣曳



履迎門其榮重亦百世一時也竇氏  
驕恣屢獻規誠忤意見疎樂浪小邑  
竟長甘肥遜披其文詞十過杜欽之  
說王鳳矣亭伯少與班傳齊名未遑  
仕進時或譏其玄靜乃作達旨以匹  
解嘲立言之致初若符節及其終也



子雲抱恨於投閣亭伯成名於遼陰  
文之爲文非言之難行之難也崔氏  
顯人西漢代有崔發諂事王莽官至  
司空崔篆羞之閉門滎陽重自傷悼  
而賦慰志言及建新其耻同於氓詩  
之塉垣復闕也亭伯處士年少箴刺



貴戚翻然高蹈無忝先子此之謂乎  
何必銘昆吾之鼎勒景襄之鐘然後  
名得意哉

婁東張溥題



東漢崔亭伯集目錄

賦

反都賦 有序

大將軍西征賦 有序

大將軍臨洛觀賦

著述

達旨

書

與竇憲書



牋

與竇憲牋

又

又

箴

太尉諸箴

司徒箴

大理箴

虎賁中郎箴



河南尹箴

酒箴

銘

仲山甫鼎銘

車左銘

車右銘

車後銘

樽銘

襪銘



縫銘

刀劒銘

又

刻漏銘

六安枕銘

扇銘

頌

上四巡頌表

西巡頌

有亭



南巡頌有序

東巡頌

北巡頌有序

漢明帝頌

北征頌

杖頌

議

章帝謚議

論



博徒論

又

七

七依

雜文

婚禮結言

詩

安封侯詩

七言詩



附錄

本傳

望亭白集

目錄

四



崔亭伯集目錄終



東漢崔亭伯集卷全

漢安平崔駰著

明太倉張溥閱

賦

反都賦

有序

漢歷中絕、京師爲墟、光武受命、始遷洛都、客有  
陳西土之富、云洛邑褊小、故略陳、馘敗之機、不  
在險也、

建武龍興、奮旅西驅、虜赤眉、討高胡、斬銅馬、破



骨都收翡翠之駕、據天下之圖、上帝受命、將昭其烈、潛龍初九、真人乃發、上貫紫宮、裴徊天闕、握狼狐、蹈泰伐、陶以乾坤、始分日月、觀三代之餘烈、察殷湯之遺風、背崤函之固、卽周雒之中、興四郊、建三雍、禪梁父、封岱宗、

大將軍西征賦

有序

主簿駟言愚聞昔在上世、義兵所克、工歌其詩、賢陳其頌、書之庸器、列在明堂、所以顯武功也。於是襲孟秋而西征、跨雍梁而遠蹤、陟隴阻之



峻坂升天梯、以高翔旗旒、翼如遊風、羽毛紛其、  
覆雲、金光皓以奪目、武鼓鏗而雷震、

大將軍臨洛觀賦

濱曲洛而立觀、營高壤而作廬、處崇顯以閒敞、  
超絕鄰而特居、列阿閣以環匝、表高臺而起樓、  
步輦道以周流、臨軒楹以觀魚、於是迎夏之簪、  
未春之垂、桃枝天天、楊柳猗猗、旣乃日垂、  
中曜內光、弛銜縱策、逸如奔颺、



崔亭伯集

卷全

二



著述

達旨

或說已曰。易稱備物致用。可觀而有所合。故能  
扶陽以出。順陰而入。春發其華。秋收其實。有始  
有極。爰登其質。今子韞積六經。服膺道術。歷世  
而游。高談有日。俯鉤深於重淵。仰探遠乎九乾。  
窮至賾於幽微。測潛隱之無源。然下不步卿相  
之廷。上不登王公之門。進不黨以讚已。退不黷  
於庸人。獨師友道德。合符曩真。抱景特立。與士

不羣。蓋高樹靡陰。獨木不林。隨時之宜。道貴從  
凡。於時太上運天德。以君世。憲王僚而布官。臨  
雍泮以恢儒。疏軒冕以崇賢。率惇德以厲忠孝。  
揚茂化以砥仁義。選利器於良材。求鑄鄒於明  
智。不以此時攀台階。闕紫闥。據高軒。望朱闕。夫  
欲千里而咫尺。未發蒙竊惑焉。故英人乘斯時  
也。猶逸禽之赴深林。蟲蚋之趣大沛。胡爲嘿嘿  
而久沉滯也。答曰。有是言乎。子苟欲勉我以世  
路。不知其跌而失吾之度也。古者陰陽始分。天



地初制皇綱亡緒帝紀乃設傳序厯數三代興  
滅昔大庭尚矣赫胥罔識淳樸散離人物錯乖  
高辛攸降厥趣各違道無常稽與時張弛失仁  
爲非得義爲是君子通變各審所履故士或掩  
目而淵潛或盟耳而山棲或草耕而僅飽或木  
茹而長饑或重聘而不來或屢黜而不去或冒  
詢以干進或望色而斯舉或以役夫發夢於王  
公或以漁父見兆於元龜若夫紛纒塞路凶虐  
播流人有昏墊之厄主有疇咨之憂條垂蕭蔓

上下相求於是乎賢人授手援世之災跋涉赴俗急斯時也昔堯含感而臯陶謨高祖歎而子房慮禍不散而曹絳奮結不解而陳平權及其策合道從克亂弭衝乃將鏤立珪冊顯功銘昆吾之冶勒景襄之鍾與其有事則褰裳濡足冠挂不顧人溺不拯則非仁也當其無事則躡纓整襟規矩其步德讓不修則非忠也是以險則救俗平則守禮舉以公心不私其體今聖上之育斯人也樸以皇質雕以唐文六合怡怡比屋



爲仁、壹天下之衆異、齊品類之萬殊、參差同量、  
坏冶一陶、羣生得理、庶績其凝、家家有以樂和、  
人人有以自優、威械藏而俎豆布、六典陳而九  
刑厝、濟茲兆庶、出於平易之路、雖有力牧之略、  
尚父之厲、伊臯不論、奚事范蔡、夫廣厦成而茂  
木暢、遠求存而良馬繫、陰事終而水宿藏、場功  
畢而大火入、方斯之際、處士山積、學者川流、衣  
裳被宇、冠蓋雲浮、譬猶衡陽之林、岱陰之麓、伐  
尋抱不爲之稀、執拱把不爲之數、悠悠罔極、亦

各有得彼採其華我收其實舍之則藏已所學也故進動以道則不辭執珪而秉柱國復靜以理則甘糟糠而安藜藿夫君子非不欲仕也恥夸毗以求舉非不欲室也惡登牆而樓處叫呼衒鬻縣旌自表非隨和之寶也暴智耀世因以于祿非仲尼之道也游不倫黨苟以徇已汗血競時利合而友子笑我之沉滯吾亦病子屑屑而不已也先人有則而我弗虧行有枉徑而我非隨臧否在予唯世所議固將因天質之自然



誦上哲之高訓、詠太平之清風、行天下之至順、  
懼吾躬之穢德、勤百畝之不耘、繫余馬以安行、  
俟性命之所存、昔孔子起威於夾谷、晏嬰發勇  
於崔杼、曹劌舉節於柯盟、卞嚴克捷於彊禦、范  
蠡錯執於會稽、伍員樹功於柏舉、魯連辯言以  
退燕、包胥單辭而存楚、唐且華顛以悟秦、甘羅  
童牙而報趙、原衰見廉於壺飧、宣孟收德於束  
脯、吳札結信於邱木、展季効貞於門女、顏回明  
仁於度轂、程嬰顯義於趙武、僕誠不能編德於

數者竊慕古人之所序

華嶠書曰駟譏楊雄以爲范蔡鄒衍之徒乘  
譽相傾。誑曜諸侯者也。而云彼我異時。又曰  
竊賞卓氏。割炙細君。斯皆士之贅行。而云不  
不能與此數公者同。以爲失類。兩改之也。



書

與竇憲書

駟聞交淺而言深者，愚也。在賤而望貴者，惑也。未信而納忠者，謗也。三者皆所不宜，而或蹈之者，思効其區區憤盈而不能已也。竊見足下體純淑之姿，躬高明之量，意美志厲，有上賢之風。駟幸得充下館，序後陳，是以竭其拳拳，敢進一言。傳曰：生而富者驕，生而貴者傲。生富貴而能不驕傲者，未之有也。今寵祿初隆，百僚觀行，當堯舜

之盛世處光華之顯時豈可不庶幾夙夜以永  
衆譽弘申伯之美致周邵之事乎語曰不患無  
位患所以立昔馮野王以外戚居位稱爲賢臣  
近陰衛尉克已復禮終受多福邾氏之宗非不  
尊也陽侯之族非不盛也重侯累將建天樞執  
斗柄其所以獲譏於時垂愆於後者何也蓋在  
滿而不挹位有餘而仁不足也漢興以後迄於  
哀平外家二十保族全身四人而已書曰鑒于  
有殷可不慎哉竇氏之興肇自孝文二君以涓淑



守道成名先日。安豐以佐命著德。顯自中興。內以忠誠自固。外以法度自守。卒享祚國。垂祉於今。夫謙德之光。周易所美。滿溢之位。道家所戒。故君子福大而愈懼。爵隆而益恭。遠察近覽。俯仰有則。銘諸几杖。刻諸盤杆。矜矜業業。無殆無荒。如此則百福是荷。慶流無窮矣。

崔亭伯集

卷全

八



牋

與竇憲牋

主簿崔駰言。今旦漢陽太守稜、吏卒數十人、皆臂鷹、牽狗、陳於道側。云欲上幕府。駰聞傳曰：禽獸之皮不足以備器用，其肉不可以將獻養，則公不舉焉。禮公侯非糜兕射且以服猛，爲民除害。因以登臨器械也。故晉唐叔射兕於徒林，以爲大甲。夫鷹犬所獲，不過雉兔，而有厯險阻之難。斯乃細人匹夫之事，非王侯大人所爲要資。

也。駟幸得充下館，序在衆賢後，乘是以竭其倦。

倦敢進一言。

北堂書鈔載牋云：主簿職在拾遺，夙夜致思，智慮淺短，何益也。

注載奏記云：珥筆持牘，拜謁曹下。

與竇憲牋

南單于請兵北伐，拜憲車騎將軍，金印紫綬，官屬依司空。

君侯以野幕爲府，前世封青故事也。

與竇憲牋

將軍窮絕天阻，萬里長途。



箴

太尉諸箴

天官冢宰。庶僚之率。師錫有帝。命虞作尉。爰叶  
台極。安平國域。制軍詰禁。王旅惟式。九州用綏。  
群公咸治。干戈載戢。宿纏其紀。上之云據。下之  
云戴。苟非其人。黜我帝載。昔周人思文公。而召  
南詠甘棠。昆吾隆夏。伊摯盛商。季世頗僻。禮用  
不匡。無曰我強。莫余敢喪。無曰我大。輕戰好殺。  
紂師百萬。卒以不艾。宰臣司馬。敢告在際。

司徒箴

天監在下、仁德是興、乃立司徒、亂茲黎烝、茫茫  
庶域、率土祁祁、民具爾瞻、四方是繼、乾乾夕惕  
靡怠、靡違恪恭爾職、以勤王機、敬敷五教、九德  
咸事、嗇人用章、黔甿是富、無曰余恃、忘余爾輔、  
無曰余聖、以忽執政、匪用其良、乃荒厥命、庶績  
不怡、疚于爾祿、豐其折右、而鼎覆其餗、書歌股  
肱、詩刺南山、尹氏不堪、國度斯憊、徒臣司衆、敢  
告執藩。



# 大理箴

邈矣皐陶。翊唐作士。設爲犴狴。九刑允理。如石  
之平。如淵之清。三槐九棘。以質以聽。罪人斯極。  
凶旅斯并。熙乂帝載。旁施作明。昔在仲尼。哀矜  
聖人。子罕禮刑。衛人釋艱。釋之其忠。勲亮孝友。  
于公哀寡。定國廣門。負哉邈矣。舊訓不遵。主慢  
臣驕。虐用其民。賞以崇欲。刑以肆忿。紂作炮烙。  
周人滅殷。夏用淫刑。湯誓其軍。衛鞅酷烈。卒殞  
于秦。不疑加害。禍不反身。嗟茲大理。慎于爾官。

賞不可不思。斷不可不虔。或有忠能被害。或有  
孝而見殘。吳沉伍胥。殷割比干。莫遂爾情。是截  
是刑。無遂爾心。以速以殛。天鑒在顏。無細不錄。  
福善災惡。其飭甚速。理臣思律。敢告執獄。

虎賁中郎箴

赫矣帝臣。爰奮厥武。桓桓征夫。矯矯其旅。王師  
是成。戎事是禦。惟鳥之鵠。惟靈之發。出翼王路。  
入司階闥。功成閑邪。憂其萌孽。

河南尹箴

御覽作揚維誤、  
西漢無河南尹、



茫茫天區。畫冀爲京。商邑翼翼。四方是營。唐虞  
商周。河洛是居。成王邠鄘。以處鶉墟。諸夏勁強。  
是從是橫。徹我牆屋。而師尹不匡。霸奪其權。宗  
器以分。圖籍遷齊。九鼎入秦。爰作卿士。以尹王  
州。風化攸興。萬國承流。爰作四句。太平御覽案  
入秦下有闕句。一作  
之經、

酒箴

豐侯沉酒。荷髷負缶。自戮於世。圖形戒後。

...

...

...



銘

仲山甫鼎銘

鼎耳革其行塞雉膏不食方雨虧悔終吉有福  
足勝其任公餗乃珍於高思危在滿戒溢可以  
永年天之大律

車左銘

三銘古文  
苑作傳毅

虞夏作車取象璣衡君子建左法天之陽正位  
受綏車不內顧塵不出軌鸞以節步彼言不疾  
彼指不躬立覽于道永思厥中

夏文苑  
作氏

車右銘

擇御卜右採德用良詢納耆老于我是匡惟覽  
是師惟道是式箴闕旅賁內顧自敕匪皇其度  
匪愆其則越戒敦儉禮以華國

儉文苑  
作約

車後銘

敬其在路體貌思恭望衡顧轂允慎茲容無或  
好失匪盤于遊顧省厥遺虎尾斯求昭德塞違  
抑盈以無雖有三晉飲然若虛

失音  
逸

樽銘



惟歲之元朝賀奉樽金壘犧象嘉禮具存獻酬  
交錯萬罔咸歡

罔古  
國字

襪銘

機衡建子萬物含滋黃鍾育化以養元基長履  
景福至于億年皇靈既祐祉祿來臻本枝萬世  
子子孫孫

縫銘

惟歲之始承天嘉德皇靈願國絲綏克贊  
以朝廸

刀劒銘

歐冶運巧鑄鋒成鐔麟角鳳體玉飾金錯

又

龍淵太阿干將莫邪帶以自禦燁燁吐花

刻漏銘

天德順動人以立信乃作斯策以咸渥潤封傳  
今覽爰暨四極

六安枕銘

言六面皆安也

枕有規矩恭一其德承元寔躬終始不忒



扇銘

有圓者扇、誕此秀儀、晞露散霾、擬日定規、朗姿  
玉暢、惠風時披、

王卿丞風和遊

自國准自動此表繪如鏡消雲對日空照開氣

蘇武



頌

上四巡頌表

臣聞陽氣發而鷦鷯鳴、秋風厲而蟋蟀吟、氣之動也、唐虞之世、樵夫牧豎、擊轅中韶感于和也、臣不知手足之動音聲、敢獻頌云、

西巡頌

有序

惟永平三年八月己丑、行幸河東、志曰、君舉必書、是故工歌其詩、史立春秋、若夫聲管不發、雅頌罔記。

惟秋穀旣登，上將省歛，平秩西成，巡畿于西郊。  
因斯萬物，凝德緩俗，昔旣春遊，今乃秋稼。

南巡頌

有序

建初九年，秋穀始登，猶斯嘉時，舉先王之大禮，  
假于章陵，遂南巡楚路，臨江州，以望衡山，顧九  
嶷，嘆虞舜之風，是時庶績咸熙，罔可黜陟，  
惟休蒸之鴻德，允天覆而無遺，壯雲行之博惠，  
淑雨施於庶黎。

東巡頌

元和二年，章帝東  
巡狩，一作傳毅。



伊漢中興三葉，於皇惟烈。允廸厥倫，矩坤度以  
範物。規乾則以陶鈞，於是考上帝以質中。總列  
宿於北辰，開太微，敞禁庭，延儒林以諮詢。岱嶽  
之事，于時典司耆耆，載華抱實，適爾而造。曰：盛  
哉大漢，旣重雍而襲熙，世增其德。唯斯嶽禮，久  
而不脩。此神人之所慶幸，海內之所想思。頌有  
喬山之征，典有徂嶽之巡。時邁其邦，民斯攸勤。  
不亦宜哉。乃命太僕，訓六騶，閑路馬，戒師徒。於  
是乘輿登天靈之威路，駕太一之象車，升九龍

之華旗、建掃霓之旌旄、哀胡荀之元老、賞孝行之駿農。闕三軍霆激、羽騎火烈、天動雷霆、隱隱麟麟、登天靈之威輅、駕太乙之象車、躬東作之上務、始八正於南行。古文苑厥倫下有續王命肩漢興句民作人訓作馴

騶作

北巡頌 有序

元和三年正月上既畢郊祀之事、乃東巡出于河內、納青兗之郊、回冀州、禮北嶽、聖澤流浹、黎元被德、嘉瑞竝集、乃作頌曰、



禋潔享祈，歆嘗百神。爰始賦政，授務于人。雍容  
清廟，謐爾無虞。垂拱穆穆，神行化馳。

登中山 天帝觀神農，將省陽穀，相天功，巡東  
作，

漢明帝頌

帝乃負扆，執胄覆珪。運斗杓以酬酢，酌酒旗之  
玉卮。

北征頌

人事協兮皇恩得，金精揚兮水靈伏。順天機兮

把刑德，戈所指，兮罔不剋。

杖頌

爰植根於湘浦，承雷夏之洪澤，寓浮雲而貽我。  
合天生之質，直用以爲杖，飾以犀角，王母扶持，  
永保百祿，壽如南極，子孫千億。



議

章帝諡議

臣聞號者功之表，諡者行之迹，據德錄功，各當其實，孝經曰，天地明察，神明章矣，

崔亭作集

卷全

一



論

博徒論

博徒見農夫戴笠持耨以芸蓼荼面色曬黑手足胼胝膚如桑朴足如熊蹄蒲望壠畝汗出謂泥乃謂曰子觸熱耕耘背上生鹽脰如燒椽皮如領革雖不能穿行步狼跋蹄戾脰酸謂子草木支體屈伸謂子禽獸形容似人何受命之薄稟性不純。

又

牛臠羊膾炙鴈羹鳧鷄寒狗熱重案滿盈

適逢長史撫綏千車蒸羔烹鱉餽鵠煎魚但到  
酒罏不醉無歸



七

七依

客曰。乃導玄山之梁。不周之稻。礪以絺綌。砥以  
柔韋。洞庭之鮓。灌水之鱉。茲以陽樸之薑。藪以  
壽木之華。鹺以大夏之塿。酢以越裳之梅。反宇  
垂阿。洞門金鋪。丹柱雕楹。飛閣層樓。於是置酒  
乎讌遊之堂。張樂乎長娛之臺。酒酣樂中。美人  
進以承宴。調歡欣以解容。廻顧百萬。一笑千金。  
振飛縠以長舞。袖鳬細腰以務抑揚。當此之時。

孔子傾於阿谷。柳下忽而更婚。老聃遺其虛靜。  
揚雄失其太玄。此天下之逸豫宴樂之至盤也。  
公子豈能興乎。客曰。彭蠡之鳥。萬萬而羣。荆山  
之獸。億億而屯。雲合風散。隱隱震震。乃命長狄  
使驅獸夷。羿作虞人。騰句喙以追飛。騁韓盧以  
逐奔。弓彈交錯。把弧控轡。繁弱鼓千鈞。死獸籍  
聚如山。選取上鮮。獻之庖人。



雜文

婚禮結言

乾坤其德恒久不已爰定天綱夫婦作始乃降  
英媛有淑其儀姬姜是侔比則姚嬀載納嘉贊  
申結顰禱

崔亭伯集

卷全



詩

安封侯詩

戎馬鳴兮金鼓震，壯士激兮忘身命。  
被光甲兮跨良馬，揮長戟兮鼓強弩。

鼓藝文  
作廓

七言詩

鸞鳥高翔時來儀，應泊歸德合望規。  
啄食竹實飲華池。

行軍賦

漢書卷之六十四

古詩

漢書卷之六十四

漢書卷之六十四

古詩

古詩



本傳

崔駰字亭伯，涿郡安平人也。高祖父朝，昭帝時爲幽州從事，諫刺史無與燕刺王通。及刺王敗，擢爲侍御史。生子舒，歷四郡太守，所在有能名。舒生子篆，篆生毅，以疾隱身不仕。毅生駰，年十三，能通詩、易、春秋，博學有偉才，盡通古今訓詁，百家之言，善屬文。少游太學，與班固、傅毅同時齊名。常以典籍爲業，未遑仕進之事。時人或譏其太玄靜，將以後名失實。駰擬揚雄解嘲，作達

旨以答焉。元和中，肅宗始脩古禮，巡狩方岳，駰上四巡頌，以稱漢德，辭甚典美。帝雅好文章，自見駰頌，後帝嗟歎之，謂侍中竇憲曰：「卿豈知崔駰乎？」對曰：「班固數爲臣說之，然未見也。」帝曰：「公愛班固而忽崔駰，此葉公之好龍也。」試請見之。駰由此候憲，憲屣履迎門，笑謂駰曰：「亭伯，吾受詔交公公，何得薄哉？」遂揖入，爲上客，居無幾何，帝幸憲第，時駰適在憲所，帝聞而欲召見之，憲諫以爲不宜與，一衣會，帝悟曰：「吾能令駰朝夕。」



在。傍。何。必。於。此。適。欲。官。之。會。帝。崩。竇。太。后。臨。朝。  
憲。以。重。戚。出。內。詔。命。駟。獻。書。誠。之。及。憲。爲。車。騎。  
將。軍。辟。駟。爲。掾。憲。府。貴。重。掾。屬。三。十。人。皆。故。刺。  
史。二。千。石。唯。駟。以。處。士。年。少。擢。在。其。間。憲。擅。權。  
驕。恣。駟。數。諫。之。及。出。擊。匈。奴。道。路。愈。多。不。法。駟。  
爲。主。簿。前。後。奏。記。數。十。指。切。長。短。憲。不。能。容。稍。  
疎。之。因。察。駟。高。第。出。爲。長。岑。長。駟。自。以。遠。去。不。  
得。意。遂。不。之。官。而。歸。永。元。四。年。卒。于。家。所。著。詩。  
賦。銘。頌。書。記。表。七。依。婚。禮。結。言。達。旨。酒。警。合。二。

十一篇、



張氏盟

張河間集



張河間集題辭

東漢之有班張猶西漢兩司馬也相  
如無史子長無賦孟堅兼之豈後來  
者欲居上乎抑其文不能齊也平子  
官侍中請專史職條錄三皇更改僭  
紀龍門之志也上書不聽典章散畧

誰之咎歟渾儀靈憲網絡天地振龍  
發機懸驗若神子雲復生未容抗跡  
二京之賦覃思十年長楊羽獵風猶  
可續崔子玉作碑稱河間制作譬諸  
造化想慕若此甯異平子耽好玄經  
嘆爲漢四百歲書哉政權下夷圖識



繁興發憤陳論務矯時枉斯又昔者  
楊雄所無也同聲麗而不淫四愁遠  
摹正則蔡邕翠鳥秦嘉述婚俱出其  
下謂之好色謂之思賢其曰可矣時  
有遇否性命難求與世汎汎曷若歸  
而諷河洛六藝八十一篇乎始于應

間終於思立固平子之生平也

婁東張溥題



張河間集目錄

卷之一

賦

西京賦

薛綜註

東京賦

卷之二

南都賦

週天大象賦

溫泉賦

羽獵賦

思玄賦

歸田賦

定情賦

扇賦

觀舞賦

冢賦

髑髏賦

誥



東巡誥

疏

大疫上疏

陳事疏

駁圖讖疏

論貢舉疏

論舉孝廉疏

策

水災對策

表

求合正三史表

日蝕上表

請專事東觀收檢遺文表

書

與崔瑗書

又

與特進書

又



又

又

七

七辯

設難

應問

應問序

議

應議

說

渾儀

靈憲

靈應

銘

綬笥銘

有引

贊

南陽文學儒林書贊

誄



大司農鮑德詠

司徒呂公詠

司空陳公詠

又

樂府

怨篇

同聲歌

詩

四愁詩

張河間集

目錄

四

附錄

本傳

張河間集目錄終



張河間集卷之一

漢南陽張衡著

明太倉張溥校

賦

西京賦

薛綜註

有憑虛公子者心參體忤雅好博古學乎舊史

氏

憑依託也虛無也言無有此公子也參忤言公子生于貴戚心志多溢體安驕泰也泰或

謂忤習之忤言習可麗好也公子雅好博知古事故學于舊史舊史太史掌圖典者是以

多識前代之載言於安處先生曰

公子爲先生言也安處猶

烏處若言何處亦謂無此先生也鄭玄禮記注云先生老人教學者夫人在陽時

則舒在陰時則慘此牽乎天者也陽謂春夏陰謂秋冬牽猶

繫也處沃土則逸處瘠土則勞此繫乎地者也慘

則慤於歡勞則徧於惠能違之者寡矣小必有

之大亦宜然違猶易也言人慘戚則不能以驩逸勞苦則不能以施惠少有能易

此者小謂庶人大謂王者故帝者因天地以致化兆民承上

教以成俗化俗之本有與推移何以覈諸言帝王必

欲順時居沃土歡逸其人使下承而化之以成奢泰之俗言化之本還與沃瘠相隨逐推移也

秦據雍而彊周卽豫而弱高祖都西而泰光武



處東而約。政之興衰恆由此作。先生獨不見西

京之事歟。請爲吾子陳之。漢氏初都。在渭之涘。

秦里其朔。寔爲咸陽。

涘涯也。里居也。朔北也。寔是也。秦地居其北。是曰咸

陽

左有峭函。重險桃林之塞。綴以二華。巨靈

屨高掌。遠蹠以流河曲。厥跡猶存。

峭及函谷關桃林皆在長

安東故言左華山名也。巨靈河神也。巨大也。古語云。此本一山。當河水過之。而曲行。河之神以手擘開其上。足蹋離其下。中分爲二。以通河。以流手足之跡。今尚在。巨靈作力之貌也。

有隴坻之隘。隔閼華戎。岐梁汧雍。陳寶鳴鷄在

焉。

說文曰。岐山在長安西。美陽縣界。山有兩岐。因以名焉。

於前。則終南太

一。隆崛崔峯。隱麟鬱律。連岡乎嶠冢。

終南太一  
二山名也

隆崛之類皆  
山形容也

抱柱含鄠。欲灋吐鎬。爰有藍田。珍

玉是之自出。

藍田弘農縣也。小雅曰。爰有寒泉。范子計然曰。玉英出藍田。是之自

出謂玉出自  
藍田之中也

於後。則高陵平原。據渭踞涇。澶漫

靡迤。作鎮於近。

澶漫靡迤。陵原之  
形爲作近鎮也

其遠。則有九

嶠。甘泉。涸陰。沍寒。日北至而含凍。此焉清暑。

九嶠

甘泉其處常陰寒。日北至謂夏至時。猶沍  
寒而有凍。帝或避暑于甘泉宮。故云清暑。

爾乃

廣衍沃野。厥田上上。寔爲地之奧區。神臯。

神臯  
接神

之昔者。大帝悅秦繆公而覲之。饗以鈞天廣樂。



帝有醉焉。乃爲金策。錫用此土。而翦諸鶉首。大帝

天也。翦盡也。是時也。竝爲彊國者有六。韓魏燕趙齊楚。然而

四海同宅西秦。豈不詭哉。宅居也。詭異也。初穆公夢然後六國竟滅。

秦果并而居之。豈不異哉。自我高祖之始入也。五緯相汁。以

旅于東井。五緯五星也。婁敬委輅。幹非其議。天啓其

心。人慧之謀。及帝圖時意。亦有慮乎神祇。宜其

可定以爲天邑。天啓謂五星聚也。慧教也。謂婁敬之謀言高帝圖此居之時意。

亦以慮於天地陰陽而思可宜定以爲天邑。豈伊不虔。思于天衢。豈

伊不懷歸于枌榆。天命不滔。疇敢以渝。伊惟也。虔敬也。

言此時豈惟不敬思居天氣四交之處邪謂東京也懷思也枌榆豐社高祖所起也豈惟不思歸處枌榆社之域都于洛邑也也於是量徑也天使都長安謂五星聚于東井也

輪考廣表經城洫營郭郭取殊裁於八都豈稽

度於往舊

南北為徑東西為廣洫城池也裁制也八都猶八方也啓開也言采取八

方異制以為宮室之巧爾乃覽秦制跨周法狹非復遵往日之故法也

百堵之側陋增九筵之迫脅

跨越也因秦制故曰覽比周勝故曰

跨之也詩曰築室百堵今以為陋正紫宮於未央

表嶢闕於閭闔

天有紫微宮王者象之紫微宮門名曰閭闔宮門立闕以

為表嶢者言高遠也䟽龍首以抗殿狀龜螭以岌嶭亘雄



虹之長梁結焚燎以相接

梳舉也巨徑度也虹

度采畫五色如蜺蜺蜺有雌雄雄者色鮮好

蜺倒茄於藻井披紅葩

之狎獵飾華懷與壁璫流景曜之韓曄

茄藕莖也以其

莖倒殖於藻井其華下向反披狎獵重接貌藻井當棟中交木方爲之如井幹也華懷畫其懷

也曜光也韓曄言明盛也

彫楹玉碣繡栢雲楣三階重軒鏤

檻文槐

栢斗也楣梁也皆雲氣畫如繡也檻闌也皆刻畫又以大板廣四五尺加漆澤

焉重置中間闌上名曰軒

右平左城青瑣丹墀

城限也謂墀齒也天子殿

高九尺階九齒各爲九級其側階各中分左右左有齒右則滂池平之令輦車得上

刊層

平堂設切厓隙

刊削也

坻岬鱗眴棧欹巉嶮

殿基之形

也勢襄岸夷塗脩路峻險襄謂高也夷平也重門

襲固姦宄是防仰福帝居陽曜陰藏姦邪也竊

居謂太微宮五帝所居福猶同也太微宮陽時則見陰時則藏言今長安宮上與之同法矣

洪鐘萬鈞猛虞趙趙負筍業而餘怒乃奮翅而

騰驤洪大也猛怒也三十斤曰鈞縣鐘橫曰筍

斤虞力猛怒故能勝之焉當筍下為兩飛獸以背負又以板置上名為業騰超也驤馳也言獸

負此筍業已重乃有餘力朝堂承東溫調延北

西有玉臺聯以昆德皆殿與臺名也嵯峨嶢嶢罔識所

則形勢也不能若夫長年神仙宣室玉堂麒麟



朱鳥龍興含章。譬衆星之環極。叛赫戲以輝煌。

極北極也。環猶繞也。言宮觀臺榭樓閣之周於正殿如衆星之繞北極也。叛猶煥也。赫戲炎盛

也。輝煌光耀也。正殿路寢用朝羣辟。大厦眈眈九戶開。

周曰路寢。漢曰正殿。羣辟謂王侯公卿大夫士也。星之四下者爲厦。眈眈深邃之貌。嘉

木樹庭芳草如積。高門有閼列坐金狄。內有常

侍謂者奉命當御。外有蘭臺金馬。遞宿迭居。常侍

謂閼官謂者寺人也。蘭臺臺名也。次有天祿石渠校文之處。重

以處威章溝嚴更之署。徼道外周。千廬內附。衛

尉八屯。警夜巡晝。虎威章溝未聞其意。嚴更督行夜鼓署位也。衛尉帥吏士

周宮外于四方四角立八屯土土則傳宮外植  
向為廬舍晝則巡行非常夜則警備不虞也植

鍛懸厭用戒不虞

植柱也

後宮則昭陽飛翔增成

合驪蘭林披香鳳皇鴛鸞

皆後宮別名

羣窈窕之華

麗嗟內顧之所觀

觀觀也謂內顧所觀皆盛好也

故其館室次

舍采飾織縠裹以藻繡文以朱綠

采五色也織細也

翠火齊絡以美玉流懸黎之夜光綴隨珠以為

燭

明月大珠夜則有光如燭

金甗玉階彤庭輝輝

彤赤也輝輝赤色貌

珊瑚琳琅璫珉璘彬珍物羅生煥若崑崙雖厥

裁之不廣侈靡踰乎至尊

璘彬玉光色雜也珍美之物羅列布見煥



焉如峴嶠之所生者謂其裁制雖事惠於是鈞  
狹小於至尊然其靡麗之好乃過之也

陳之外閣道窮隆屬長樂與明光徑北通於桂

宮長樂桂宮皆宮名明光殿名也命般爾之巧匠盡變態乎其

中般魯般一云公輸之子魯哀公時巧人爾王爾皆古之巧者也變奇也態巧也於是

後宮不移樂不徙懸門衛供帳官以物辦恣意

所幸下輦成燕窮年忘歸猶弗能徧瑰異日新

殫所未見瑰奇也殫盡也言奇異之好日變易皆所未嘗目見之物也惟帝

王之神麗懼尊卑之不殊雖斯宇之既坦心猶

憑而未攄坦大也憑滿也攄舒也思比象於紫微恨阿房

之不可廬

廬居也時阿房已壞故不得居也

視往昔之遺館獲

林光於秦餘

視視也

處甘泉而爽塏乃隆崇而弘

敷

甘泉山名應劭曰甘泉在馮翊雲陽縣爽明也隆崇高也弘敷猶延蔓也

既新作

於迎風增露寒與儲胥託喬基於山岡直帶霓

以高居

帶霓高貌也

通天詆以竦峙徑百常而莖擢

上辨華以交紛下刻峭其若削

通天臺名武帝元封二年作漢

書舊儀云高三十丈望見長安城詆高也竦立

也峙住也徑度也倍尋日常莖特也擢獨出貌

也辨華敷大也

刻峭升高也

翔鷲仰而弗逮况青鳥與黃雀

伏櫺檻而頻聽聞雷霆之相激

鷲大鳥青鳥黃雀皆小鳥翔高



飛也伏猶憑也。櫺臺上闌也。頰低頭也。蒼頡篇曰：霆霹靂也。言臺之高於上，低頭聽雷聲，乃在

下。栢梁既災，越巫陳方。建章是經，用厭火祥。營

宇之制，事兼未央。兼猶倍也。所園闕竦以造天，

若雙碣之相望。鳳騫翥於薨標，咸遡風而欲翔。

薨棟也。標末也。遡向也。謂作鐵鳳皇，令張兩翼，舉頭敷尾，以重屋上，當棟中央，下有轉樞，常向

風如將飛者焉。閭闔之內，別風嶢峣。何工巧之瑰瑋，交

綺豁以疏寮。瑰瑋奇好也。疏刻穿之也。干雲霧而上達，狀亭

亭以峒峒。亭亭峒峒高貌，千仞也。神明崛其特起，井幹疊

而百增。峙遊極於浮柱，結重欂以相承。累層構

而遂躋望北辰而高興

崛高貌峙猶置也三輔名梁爲極作遊梁置浮

柱上樂柱上曲木兩頭受櫨者

消雰埃於中宸集重陽之清激

瞰宛虹之長髻察雲師之所憑上飛闥而仰眺

正覩瑤光與玉繩

消散也雰埃塵穢也宸天地之交宇也言神明臺高旣除

去下地之埃穢乃上止于天陽之宇清激之中也上爲陽清又爲陽故曰重陽髻脊也雲師畢星也臺高悉得視之將乍往而未半怵悼慄而飛闥突出方木也

聳兢非都廬之輕趨孰能超而窈升

怵恐也悼傷也慄憂

戚也言恐墜也

駁娑駘盪燾界桔桀朽詣承光睽眾庠

豁

燾界桔桀睽眾庠豁皆形貌

增桴重焚齔齔列列反宇業



業飛檐轍轍流景內照引曜日月凡屋宇皆垂

屋飛邊頭瓦皆更微使反上其形業業然檐板

承落也轍轍高貌言皆采畫華采流引日月之

光曜於天梁之宮寔開高闈旗不脫扃結駟方

斲櫟輻輳驚容於一扉天梁宮名宮中之門謂之闈此言特高大爾雅

曰熊虎為旗扃闕也謂建旗車上有闕制之令

不動搖曰扃每門解下之今此門高不復脫扃

結駕駟馬方行長廊廣廡連閣雲蔓開庭詭異

而入斲馬銜也門千戶萬謂閣道如雲氣相延蔓也重閨幽闈轉相逾延望

辟窰以徑廷眇不知其所返宮中之門小者曰闈互相周通辟窰

徑廷過度之意言入其中皆迷惑不識還道也既乃珍臺蹇產以極壯

中皆迷惑不識還道也

塏道遷倚以正東

蹇產形貌也塏閣道也遷倚一高一下一屈一直也乃從

建章館踰西城東入于正宮中也

似閭風之遐坂橫西沔而絕

金墉城尉不弛柝而內外潛通

閭風崐崙山名也沔城池也墉

謂城也絕度也言閣道似此山之長遠橫越西池而度金城也西方稱之曰金弛廢也潛嘿也言城門枝尉不廢擊柝之備內外已自嘿通也前開唐中彌望廣濛顧

臨太液滄池漉沆

彌遠也漉沆猶混濛亦寬大也

漸臺立於中

央赫眡眡以弘敞清淵洋洋神山峩峩列瀛洲

與方丈夾蓬萊而駢羅上林岑以嶧鼎下嶄巖

以嶧嶧

三山形貌也峩峩高大也

長風激于別疇起洪濤而



陽波浸石菌于重涯，濯靈芝以朱柯。水中之洲曰博音島

石菌靈芝皆海中神山所有神草名仙之所食者浸濯也重涯池邊也朱柯芝草莖赤色也

海若游于玄渚，鯨魚失流而蹉跎。海若海神鯨大魚於

是承少君之端信，庶樂大之貞固。立修莖之仙

掌，承雲表之清露，屑瓊藥以朝餐。必性命之可

度。美往昔之松喬，要羨門乎天路。想升龍于鼎

湖。豈時俗之足慕。若歷世而長存，何遽營乎陵

墓。徒觀其城郭之制，則旁開三門。參塗夷庭，方

軌十二。街衢相經。街大道也經歷也一面三門門三道故云參塗塗容四軌

故方十二軌。軌，車轍也。夷，平也。庭，猶正也。塵里，端直。甍宇，齊平。都邑之空

地曰塵北闕甲第。當道直啓。程巧致功。期不隳。甍棟也

降木衣綈錦。土被朱紫。武庫禁兵。設在蘭錡。第館

也。甲言第一也。言皆程擇好匠令盡致其功夫。既牢又固不傾陟也。言皆承畫如錦繡之文章。

也。錡架也。武庫天子主兵器之官也。匪石匪董。疇能宅此。爾乃廓

開九帟。通闕帶闐。旗亭五重。俯察百隧。周制大

胥。今也惟尉。廓大也。闕市營也。闐中隔門也。崔豹古今注曰：市牆曰闕，市門曰闐。

旗亭市樓也。襍列肆道也。壤貨方至。鳥集鱗萃。鬻者兼贏。求

者不匱。瑰奇貨也。方四方也。奇寶有如鳥之集。鱗之萃也。鬻賣也。兼倍也。贏利也。匱乏。



也爾乃商賈百族裨販夫婦鬻良雜苦蚩眩邊

鄙坐者為商行者為賈裨販賤賣貴以自裨益良善也先見良物價定而雜與惡物以欺

惑下士之人何必昏於作勞邪羸優而足恃昏勉也邪僞也

優饒也言何必當勉力作勤勞之事乎欺僞之利自饒足恃也彼肆人之男女

麗美奢乎許史言長安市井之人被服皆過此二家若夫翁伯濁

質張里之家擊鐘鼎食連騎相過東京公侯壯

何能加都邑遊俠張趙之倫齊志無忌擬跡田

文輕死重氣結黨連羣寔蕃有徒其從如雲寔實

也蕃多也徒衆也茂陵之原陽陵之朱趙悍虓豁如虎

如貍。睚眦。薑芥。屍僵路隅。

僵仆也。

丞相欲以贖子

罪。陽石污而公孫誅。若其五縣遊麗辯論之士。

街談巷議。彈射臧否。剖折毫釐。摩肌分理。所好

生羽毛。所惡成瘡痛。

毛羽言飛揚瘡痛謂癰痕也。

郊甸之內。

鄉邑殷賑。五都貨殖。既遷既引。商旅聯榻。隱隱

展展。冠帶交錯。方輶接軫。

五十里為近郊百里為甸師殷賑謂富饒

也。遷易也。引致也。言賈人多車。扼相連屬。隱隱展展。重車聲也。冠帶猶縉紳謂吏人也。封

畿千里。統以京尹。郡國宮館百四十五。

離宮別館在諸

郡國者。右極盤匡。并卷酆鄠。左暨河華。遂至號土。



蓋屋山名因名縣暨言上林禁苑跨谷彌阜東

至鼎湖斜界細柳掩長楊而聯五柞繞黃山而

款牛首跨越也彌猶掩也大陵曰阜上林苑名

湖在華陰東細柳在長安西北長楊宮在蓋繚

垣繚聯四百餘里植物斯生動物斯止繚垣猶

之周圍也植物草木動物禽獸衆鳥翩翻羣獸

駉駉散似驚波聚似京峙皆鳥獸之形貌也京

言禽獸散走之時如水驚風而伯益不能名隸

首不能紀林麓之饒于何不有木叢生曰林木則樅

栝櫟楠梓械梗楓

槲松葉栝身栝柏葉松身梓如栗而小械白槲也楓香木

也

嘉卉灌叢蔚若鄧林

嘉猶美也灌叢貌也鬱蓊夢

藟櫟櫟櫟吐葩颺榮布葉垂陰

皆草木盛貌也葩華也

草則蒨苕菅蒯薇蕨荔芄王芻菡臺戎葵懷羊

芣蓢蓬茸彌阜被岡

彌猶覆也言草木熾盛覆被於高澤及山岡之上也

篠簜敷衍編町成篁山谷原隰泱泱無彊

篠竹箭也

簞大竹也敷布也衍蔓也編連也町謂畝畝篁竹叢生也泱泱無限域之貌言其多無境限也

廼有昆明靈沼黑水玄趾周以金堤樹以柳杞

小渚曰趾金隄謂以石爲邊隙而多種杞柳之木

豫章珍館揭焉中峙



日月於是

鯉  
𩺰  
鯛  
鮪  
鰈  
鱠  
魷  
修  
額  
短  
項  
大  
口  
折  
鼻  
詭  
類  
殊

鳥則鵲鵲

鵠鵠、鴛鴦、鴻鸛、上春候來、季秋就溫、南翔衡陽。

北棲雁門，奮隼歸鳧，沸卉駟衆，形殊聲不可

於是孟冬作陰，寒風肅殺，雨雪

寒氣急殺  
於萬物孟

冬十月陰氣始盛萬物彫零飄飄雨雪貌慘烈寒也草木零落陰氣盛殺鷹犬之屬可擊擊也

爾乃振天維，衍地絡，蕩川瀆，簸林薄。

維綱也，絡網也，謂其

大如天地也，振整理也，衍申布也，林薄草木叢生也，蕩動也，簸揚也，謂驅獸也。

鳥畢駭。

獸咸作，草伏木棲，寓居穴託，起彼集此，霍繹紛

泊，在彼靈囿之中，前後無有垠齔。

謂禽獸驚走，得草則伏，遇

木則棲，非其常處，苟寄而居，值穴而託，為人所驚而求集，此人迫之意，起彼集此，謂為彼人所驚而來集，此人

之前，霍繹紛泊，飛走之貌，前後無有垠齔，言禽獸之多，前却顧視，無復齊限也。

虞人掌

焉，為之營域，焚萊平場，柞木翦棘。

虞人掌拿獸之官，結

置百里，迄杜蹊塞，鹿麋麋駢田，偪仄。

置網也，迄道也。

蹊徑也，皆以網杜塞之也，鹿牝曰麋，麋麋形貌駢田，偪仄聚會之意。

天子乃駕彫



軫六駿駁戴翠帽倚金較璿弁玉纓遺光儵爚

彫畫也天子駕六馬駁白馬而黑畫為文如虎者翠羽為車蓋黃金以飾較也古今注曰車耳重較文官青武官赤或曰車轡上重起如牛角也弁馬冠也又髦以璿玉作之纓馬鞅也以玉飾之遺餘也儵爚有餘光也建玄弋樹招搖棲鳴鳶曳雲梢

弧旌枉矢虹旃蜺旄

玄弋北斗第八星名為矛頭主胡兵招搖第九星名

為盾今鹵簿中畫之於旗建樹之以前驅禮記曰前有塵埃則載鳴鳶棲謂畫其形于旗上雲梢謂旌旗之流飛如雲也弧星名通帛為旂雄曰虹雌曰蜺華蓋承辰天畢

前驅

華蓋星覆北斗王者法而作之畢網也象畢星也前驅載之

千乘雷動

萬騎龍趨屬車之遙載獫狁獯

大駕最後一乘懸豹尾以前為

省中侍御史

載之遙副也。匪惟翫好，廼有秘書、小說九百本。

自虞初從容之求，寔侯寔儲。

小說醫巫厭祝之術，凡有九百四十

三篇言九百舉大數也，持此秘術。於是蚩尤秉

儲以自隨，待上所求，問皆常具也。鉞奮鬣，被般禁禦，不若以知神姦魑魅，蝸蝓莫

能逢旃。陳虎旅於飛廉，正壘壁乎上蘭。

陳列也。結

部曲，整行伍，燎京薪，駭雷鼓，縱獵徒，赴長莽。

積高

為京燎，謂燒之莽草長，謂深且遠也。方言曰：草南楚間謂之莽。

迺卒清候，武士

赫怒，緹衣韎韐，睢盱援扈，光炎燭天庭，蹕聲震

海浦，河渭為之波盪，吳嶽為之陁堵。

燭照也。海浦，四瀆之



口波盪搖動也。百禽悽遽，騃瞿奔觸，喪精亡魂，失

歸忘趨，投輪關輻，不邀自遇。悽猶怖也，遽促也。騃瞿走貌，奔觸唐

突也。言禽獸亡失精魂，不知所當歸趨也。反關入輪輻之間，不須邀逐，往自得之趨向也。邀遮

也。飛罕瀟，削流鏑，擣爆矢，不虛舍。鏑不苟躍。瀟

罕形也。擣爆中聲也。舍放也。躍跳也。矢鏑跳躍必有獲矣。當足見蹶，值輪被

輾，僵禽斃獸，爛若磧礫。足所蹈為碾，車所加為輾。僵仆也。石細者曰礫。

謂所獲禽鳥爛然如聚細石也。但觀置羅之所罾，結竿及之所

捏畢。罾縊也。結縛也。竿竹也。及杖也。八稜長丈二而無刃，或以木為之，或以竹為之。捏畢

謂撞也。義族之所撓，撓徒搏之所撞，撓之撞，撓猶

惶畢也

白日未及移晷已獮其十七八

晷景也獮殺也言日

景未移禽獸什已殺七八矣

若夫遊鵠高翬絕阮踰斥毚兔

聯條陵巒超壑比諸東郭莫之能獲

雉之健者為鵠尾長

六尺詩云有集唯鵠翬飛也斥澤崖也毚狡兔也聯條走也巒山也壑阮谷也自游鵠至此皆

說禽獸輕狡難得也

乃有迅羽輕足尋景追括鳥不暇舉

獸不得發青骹摯於鞬下韓盧噬於綵末

迅羽鷹也

輕足好犬也括箭括之御弦者舉飛也發駭走也青骹鷹青脰者

及其猛毅鬚

鬚隅目高眦威懾兕虎莫之敢伉

鬚鬚作毛鬣也隅目角眼

視也高眦深瞳子也皆謂猛獸作怒可畏者兕水牛類伉當也謂獸猛兕虎且猶畏之人無敢



者當之乃使中黃之士有獲之儔朱鬣鬣植髮

如竿袒裼戟手奎踞盤桓絳帕額露頂髻植髮如竿以擊猛獸能服

之也蹠踞開足也盤桓便旋也鼻赤象圈巨狴狴狴也怒走者

措枳落突棘藩象鼻赤者怒巨狴狴也怒走者為狴謂能戾象鼻又穿塵以著

困拂獸身人面身有毛被髮迅走食人狴其毛如刺窳窳窳也類羆虎亦食人狴狴貌一日獅

子攬批皆謂戟撮之梗林為之靡拉靡拉摧殘

言楷突之皆輕銳僂狡趨捷之徒赴洞穴探封

狐陵重巘獵昆駘杪木末獲獬獬超殊榛帶飛

鼯輕銳謂便利捷疾也言如此者多也洞穴深且通也探取也封大也陵猶升也山之上大

下小者曰獻昆駮如馬跛蹄善登高言能升重  
獻之嶺而獵取昆駮之獸杪猶表也衡狝獫狁  
而白腰以前黑在木表獲謂掘取之也  
也殊猶大也榛木也帶捎取之也  
是時後宮

嬖人昭儀之倫常亞於乘輿慕賈氏之如皐樂

北風之同車盤于遊畋其樂只且

嬖幸也昭儀後宮官也亞

次也乘輿天子所乘車盤樂也

於是鳥獸殫目觀窮遷延邪睨

集乎長楊之宮

殫盡也窮極也所觀畢也遷延退旋也

息行夫展

車馬收禽舉齒數課衆寡

息休也齒死禽獸將腐之名也數計課錄

校所得多少

置互擺牲頒賜獲鹵割鮮野饗犒勤賞

功

互所以挂肉擺謂破磔懸之頒謂以所鹵獲之禽獸賜士衆也謂饗食士衆於廣野中勞



勤苦賞有功五軍六師千列百重酒車酌醴方駕授

養升觴舉燧既酌鳴鐘酒肴皆以車布之燧火也行酒則舉烽火以告

衆也酌則膳夫馳騎察貳廉空炙魚夥清酤敍

皇恩溥淇德施徒御悅士忘罷膳夫宰夫也察廢皆視也貳爲

兼重也空滅無也言宰人騎馬行視肴有巾車

兼重及滅無者詩有魚鼈清酤美酒也

命駕迴旆右移相羊乎五柞之館旋憩乎昆明

之池巾車主車宮也回車右轉將旋也相羊仿羊也池卽所謂靈沼登豫章簡

增紅蒲且發弋高鴻挂白鵠聯飛龍礮不特絃

往必加雙豫章池中臺也簡省也繳射矢長八寸其絛名增挂矢絛挂鳥上也飛龍

鳥名也沙石膠絲爲磬非徒獲一而已必雙得之於是命舟牧爲水嬉

浮鷁首翳雲芝垂翟葆建羽旗

舟牧主舟官嬉戲也船頭象鷁

鳥厭水神故天子乘之翳覆也爲畫芝草及雲氣以爲船覆飾也垂翟謂垂羽翟爲葆蓋飾建

隼羽爲旌旗也齊棲女縱櫂歌發引和校鳴葭奏淮南

度陽阿感河馮懷湘娥驚蜩螗憚蛟蛇

言發引和

唱餘人和也葭管也校急之乃鳴杜摯葭賦曰李伯陽入西戎所造漢書有淮南鼓員四人謂

舞人也淮南子曰足跡陽阿之舞蜩螗水神蛟龍類驚憚謂皆使駭怖也然後釣魴

鯉纚鰕鮒披紫貝搏耆龜搯水豹鬲潛牛澤虞

是濫何有春秋纚網如箕形狹後廣前魴鯉鰕鮒皆魚名搏披皆拾取之名耆



老也龜之老者神水豹潛牛皆謂水處也澤主水澤官濫施罔罔也言不順時節常設之

槌漻漻搜川瀆布九罟設罍麗櫟鯢鯢殄水族

藻藕拔蜃蛤剝漻漻小水別名槌搜謂一一周索也鯢魚子鯢細魚族類也櫟

殄言盡取之菜逞欲畋斂效獲麇麇樛蓼泮浪

乾池滌藪逞極也鹿子曰麇麇上無逸飛下無

遺走攫胎拾卵蝼蝻盡取取樂今日遑恤我後

遑暇也言且快今日之苟樂既定且寔焉知傾

隋天下已定貴在安樂極意恣心何能復顧後日之傾隋也大駕幸乎平樂

之館張甲乙而襲翠被平樂館大作樂處也襲服也李尤樂觀賦設平

樂之顯觀處  
金商之維限

攢珍寶之玩好紛瑰麗以參靡臨

迥望之廣場程角觝之妙戲

攢聚也紛猶雜也  
瑰奇也麗美也參

靡奢放也程  
課其技能也

烏獲扛鼎都盧尋橦衝狹驚濯胸

突銛鋒跳丸劒之揮霍走索上而相逢

衝狹謂  
卷簾席

以矛插其中伎兒以身投從中過驚濯以盤水  
置前坐其後踊身張手跳前以足偶節踰水復  
却坐如驚之浴也揮霍謂丸劒之形也走索以長  
繩繫兩頭於梁舉其中央兩人各從一頭上交  
相度所謂  
舞絙者也華嶽峨峨岡巒參差神木靈草朱實

離離總會仙倡戲豹舞羆白虎鼓瑟蒼龍吹簫

華山爲西岳峨峨高大貌參差低仰貌神木松  
栢靈壽之屬靈草芝英朱赤色離離實垂之貌



仙倡僞作假形謂如神也  
女娥坐而長歌聲清  
羆豹熊虎皆爲假頭也

暢而蛟蛇淇涯立而指麾被毛羽之襍灑蛟蛇聲餘

詰曲也洪涯三皇時伎人媚家託度曲未終雲

起雪飛初若飄飄後遂霏霏飄飄霏霏雪下複貌皆巧僞作之複

陸重閣轉石成雷複陸複道閣也於碎礚激而

增響磅礚象乎天威增響重聲也磅礚雷聲之音如天之威怒巨獸

百尋是爲蔓延神山崔巍欻從背見熊虎升而

拏攫後狄超而高拔作大獸長八十丈所謂蛇龍蔓延也欻之言忽也僞

所作也獸從東來當觀樓前背上恠獸陸梁大

忽然出神山崔嵬也皆僞所作也

雀跋跋、白象行孕、垂鼻、麟困、海鱗變而成龍、狀

跣跣以蜚蜚

皆偽所作也。陸梁東西倡佯也。跋跋大雀容也。偽作大白象從東來。

當觀前行且乳鼻正麟困也。海鱗大魚也。偽作大魚從東方來。當觀前而變作龍。蛇蛇蜚蜚龍。

形貌也。含利颺颺化爲仙車、驪駕四鹿、芝蓋九葩、

蟾蜍與龜、水人弄蛇、

含利獸名。性吐金。故曰含利。颺颺容也。驪猶羅列。駢

駕之也。以芝爲蓋。蓋有九葩之采也。作千秋蟾蜍及千歲龜行舞於前也。水人。俚兒能禁固弄

也。奇幻儵忽、易貌分形、吞刀吐火、雲霧杳冥、晝

地成川、流渭通涇、

儵忽疾也。易貌分形變化異也。

東海黃公、赤

刀、粵祝、冀厭、白虎、卒不能救、挾邪作蠱、於是不



售東海有能赤刀禹步以越人祝法厭虎者號黃公又于觀前爲之蠱惑也售猶行也謂懷

挾不正道者於爾乃建戲車樹修旃倏僮逞林是時不得行也

上下翩翩突倒投而跟絰譬殞絕而復聯也樹植

謂旌也建之於戲車上也倏之言善善童幼子也程猶見材伎能也翩翩戲幢形也突然倒投

身如將墜足跟反絰百馬同轡騁足竝馳幢末幢上若已絕而復連

之伎態不可彌於幢末作其形狀彌猶極也言變巧之多不可極也彎弓

射乎西羌又顧發乎鮮卑彎挽弓也鮮卑在羌之東皆於幢上作之

於是衆變盡心醢醉盤樂極悵懷萃醒飽也萃猶至也於

是游戲畢心飽於悅樂陰戒期門微行要屈降

尊就卑懷璽藏紱

要或為徽天子印曰璽紱便

便

旋閭闔周觀郊遂若神龍之變化彰后皇之為

貴

龍出則昇天潛則泥蟠故云變化彰明也天子稱元后皇漢帝稱也

然後厯掖

庭適歡館捐袞色從嬿婉

掖庭今官主後宮擇所驩者乃幸之嬿婉

美好之貌

促中堂之陜坐羽觴行而無筭秘舞更奏

妙材騁伎妖蠱豔夫夏姬美聲暢於虞氏始徐

進而羸形似不任乎羅綺嚼清商而却轉增嬋

娟以跳豕紛縱體而迅赴若驚鶴之羣羆

中央

也秘言希見為奇也更遞也奏進也清商鄭音嬋娟跳豕姿態妖蠱也縱體舞容也迅疾赴節



相越也相鶴經曰後七年學舞又七年舞應節振朱屣於盤樽奮長袖

之颯纚要紹修態麗服颺菁昭藐流盼一顧傾

城振猶掉也朱屣赤絛屐也舞人特作長袖颯纚長貌也要紹謂媚嬋作姿容也修爲也態

嬌媚意也菁華英也昭眉睫之間藐好視容也流盼轉眼貌也展季桑門誰能

不營列爵十四競媚取榮盛衰無常惟愛所下

後宮官從皇后以下凡十衛后與於鬢髮飛燕四等競爭邪媚求榮愛也衛后興於鬢髮飛燕

寵於體輕爾乃逞志寃欲窮身極娛鑒戒唐詩

他人是媼逞娛也娛樂也唐詩刺晉僖公不能及時以自娛樂曰子有衣裳弗曳弗

婁宛其死矣他人是媼言今日之不極意恣嬌亦如此也自君作故何禮之

拘增昭儀於婕妤，賢既公而又侯，許趙氏之無

上思，致董於有虞，王閼爭於坐側，漢載安而不

渝

渝易也

高祖創業，繼體承基，暫勞永逸，無爲而

治，耽樂是從，何慮何思，多歷年所，二百餘載，一

也匪徒以地沃野豐，百物殷阜，巖險周固，襟帶易

守，得之者彊，據之者久，流長則難竭，祗深則難

朽，故奢泰肆情，而馨烈彌茂

沃肥也，豐饒也，殷盛也，阜大也，謂左

嶠函右隴坻前終南後高陵言土地險固鄙生故得放心極意而夸泰之馨烈益以茂盛鄙生

生乎三百之外，傳聞於未聞之者，曾髣髴其若



未一隅之能觀

鄙生公子自稱謙辭也三百

此何與於殷人、屢遷前八而後五、居相圯耿、不

常厭士、盤庚作誥、帥人以苦、方今聖上同天號

於帝皇、掩四海而為家、富有之業、莫我大也、

天稱

皇天帝今漢天子號皇帝兼同之掩覆也三皇以來無大于漢者

徒恨不能以

靡麗為國華、獨儉嗇以齷齪、忘蟋蟀之謂何、

儉嗇

節愛也蟋蟀唐詩刺儉也言獨為節愛不念唐詩所刺邪

豈欲之而不能將

能之而不欲歟、蒙竊惑焉、願聞所以辯之之說

也、言我不解何故反去西都從東京置奢逸即儉嗇也說猶分別解說

東京賦

薛綜註

安處先生於是似不能言者、憮然有間、

有頃謂

間也先生聞公子稱西京奢泰之事心恠其乃所貴者謂違禮失道故愕然有頃乃能言也

莞爾而笑曰若客所謂末學膚受貴耳而賤目

者也

莞爾舒張面目之貌也末學謂不經根本膚受謂皮膚之不經于心胸貴耳謂東京

先生笑公子以西京為貴以東為賤也

苟有胸而無心不能節之

以禮

苟猶誠也言賓誠信胸臆之所聞而心不能以禮節度其可否也

宜其陋

今而榮古矣

言人不能以禮節其其事情者固宜薄陋今日之事而以此所聞古

事為榮貴

由余以西戎孤臣而惺穆公於宮室如之



何其以溫故知新研覈是非近於此惑如奈也

研審也先生言由余但西戎孤陋之臣耳尚知非秦宮室之大如何公子雅好博古溫故知新

之德當審實事理之是非而返惑于此事論語曰溫故而知新可以為師矣王褒責髡奴曰研

覈否周姬之末不能厥政政用多僻始於宮隣

卒於金虎姬周姓也末謂幽厲二主周末世之王多邪僻之政也鄰近也謂幽王近

於宮室惑於褒姒卒有禍敗也羸氏傅翼擇肉

金虎西方白虎神主金金白也羸氏羸秦姓也周書曰無為虎傅翼將飛入邑

西邑擇人而食也傅翼謂著翼也傅與附同是時也七雄並爭競相高以奢麗燕趙齊楚秦

也爭謂各強盛而競相高以奢楚築章華於前也

也爭謂各強盛而競相高以奢楚築章華於前也

長河開集 卷之一 賦 三

趙建叢臺於後

左氏傳曰楚子成章華之臺于乾谿一朝叛之于前在春秋之

時史記趙武靈王起叢臺太子

秦政利觜長距

終得擅塲思專其侈以莫已若

言秦以天下為大塲喻七雄為

闢雞利喙長距者終擅一場也史記曰秦始皇

言始皇所以思專擅其奢侈乃構阿房起甘泉

者以天下之君無如于我也

三輔故事秦始皇上林苑中作離宮別觀一百

四十六所不足以為大會羣臣二世胡亥起阿

房殿東西三里南北三百步下可建五丈旗在

山之阿故號阿房也甘泉山名也戰國策范雎

曰秦北有甘泉宮謂其結雲閣冠南山

結連也

下有甘泉水因以名之

名也高如雲故言雲三輔故事曰秦二世胡亥

起雲閣欲與山齊冠覆也南山終南在長安南



征稅盡人力殫然後收以太半之賦威以參夷

之刑

言征稅之賦盡於奢泰之用天下之力盡於長城與宮室也殫盡也漢書伍被曰秦

作阿房宮收太半之賦韋昭曰凡數三分有二爲太半言秦造宮室奢麗費用不足乃復收其

太半之賦百姓賦稅不得者誅其三族漢書曰秦用商鞅之法造參夷之誅參三也謂滅三族

其遇民也若薤氏之芟草旣蘊崇之又行火焉

遇逢遇也周禮有薤氏掌山澤芟除草管毛詩載芟載柞左傳周任有言曰若農夫之務去草

芟夷蘊崇之杜預曰芟殺蘊積也崇聚也言秦始皇酷虐百姓如芟草積而放火焉悚悚

黔首豈徒跼高天踳厚地而已哉乃救死於其

頸

史記曰秦皇更名民曰黔首謂黑頭無知也跼踳恐懼之貌毛詩曰謂天蓋高不敢不跼

跼偃僂也謂地蓋厚不敢不踏踏累足也謂此時之民非徒跼高天踏厚地而已乃晝夜畏死其毆以就役唯力是視謂不復知民有緩急與

已百姓不能忍是用息肩於大漢而欣戴高祖

忍堪也言秦世天下之民若擔重物不得休息今來歸漢得息肩膊

高祖膺錄受

圖順天行誅杖朱旗而建大號

膺錄謂當五勝之錄受圖卯金

刀之語順天謂順天命而起又悟神姥之言所舉朱旗而大呼天下之英雄與共定事也

推必亡所存必固

言高祖所推擊者使之亡所存者使之堅固

掃項

軍於垓下繼子嬰於軹塗

掃除也項羽也垓地名漢王圍項羽于

垓下羽聞四面有楚歌乃與數百騎走高祖使灌嬰追之斬羽東城繼猶繫也子嬰秦子嬰也



因秦宮室據其府庫作洛之制我則未暇因仍

也據

就也府庫謂官吏所止為府車馬器械所居曰庫也作洛謂造洛邑也我我高祖也天下新造

草創不暇改作如禮制也是以西匠營宮目翫阿房規摹踰

溢不度不臧損之又損然尚過於周堂觀者狹

而謂之陋帝已譏其泰而弗康

西匠謂秦之舊匠也目視也翫

習也阿房宮名漢書曰梧齊侯陽城人名延為

少府作長樂未央宮也規圖也踰越也溢過也

度法也臧善也謂西匠所圖越過不得禮法皆

言不善也損減也言高祖雖數損減其制度猶

過于周家之堂觀視也陋小也康安也言觀者習

見秦之夸麗睹今日之減小皆以為陋然高祖

猶已譏其泰而不安也謂七年冬上自將擊韓

王信蕭丞相留長安營起未央宮立東闕前殿

武庫太倉高祖見其壯麗怒曰何修宮室之過也且高既受命建家造

我區夏矣高高祖也區區域也夏華夏也言高祖受上天之命建立國家制造區夏

文又躬自菲薄治致升平之德文文帝也躬自菲薄謂儉約漢

書文帝欲作露臺召匠計直百金曰吾奉先帝宮室常恐太奢何用臺為故文景之際號為升

平升平謂國太平也武有大啓土宇紀禪肅然之功武武

漢書武紀曰定越地為南海七郡北置朔方等五郡故云大啓土宇啓開也紀記也肅敬也謂

登封太山宣重威以撫和戎狄呼韓來享宣宣

漢書宣紀曰呼韓邪單于款五原塞願奉國珍毛詩曰自彼氐羗莫敢不來享享獻也撫安也

戎狄呼韓並國名左傳曰子教寡人和戎狄言宣帝能和戎狄咸用紀宗存主



饗祀不輟

咸皆也紀錄也宗太宗文帝廟號也

祭之輟止也凡天子五世則廢今廟銘勳彝器

不遷毀其主各四時祭祀無止絕時

也彝常也宗廟之器稱彝勳功也歷經

歷世彌光

也彌益也銘勳也勒銘于宗廟之器

鐘鼎萬祀今捨純懿而論爽德以春秋所諱而

為美談宜無嫌於往初故蔽善而揚惡祇吾子

之不知言也爾雅曰純大懿美也爽差也今公

論說爽差之過失者也春秋諱國之惡今公子

反以為美談也宜之言義也無猶不也祇是也

今公子之義不嫌於蔽國之善必以肆奢為賢

則是黃帝合宮有虞總期固不如夏癸之瑤臺

張可問集

卷之一

賦

殷辛之瓊室也湯武誰革而用師哉肆放也賢善也謂黃

帝明堂以草蓋之名曰合宮舜之明堂以草蓋之名曰總章此難公子黃帝等造此是守儉也

湯謂殷湯武謂武王革改也言誰遣革改殷紂夏桀而用師哉以其奢侈姪放所以湯武順天

命而討罰之此譏西京公子也盍亦覽東京之事以自寤乎盍猶

何不也覽視也自寤自覺寤也言公子何不視東京之行事心自覺寤邪且夫天子

有道守在海外淮南子曰若天下無道守在四夷

皆為守位以人不恃隘害人謂衆庶也隘險也言要須擇任賢臣不

臣僕以隘害苟民志之不諒何云巖險與襟帶苟誠

信也公子稱巖險周固襟帶易守故今答秦負



阻於二關卒開項而受沛

負恃也卒終也言負二關以爲牢固終受

二人所入也二人謂高祖從武關入項羽從函谷關入

彼偏據而規小豈

如宅中而圖大

彼謂秦也據依也言彼秦偏據關西所規近在二關之內故曰

小也豈如東京居天地之中所圖者四海之外

昔先王之經邑也掩觀

九隩靡地不營土圭測景不縮不盈總風雨之

所交然後以建王城

先王謂周成王也邑洛邑也掩猶及也九隩謂九州

之內也靡地不營謂徧求之十灋澗及黎水皆不吉鄭玄曰測度也縮短也盈長也謂圭長一

尺五寸夏至之日豎八尺表日中而度之圭影正等天當中也若影長於圭則太近北圭長於

影則太近南近北多寒近南多暑近東多風近西多雨總猶括也王城今河南也周禮曰土圭

之法測土深正日景以求地中四時之所  
交風雨之所會陰陽之所和乃建王國也  
審曲

面勢

審度也謂審察地形曲直之勢而建王都

汭洛背河左伊右瀍

汭向也洛洛水河黃河伊伊水瀍瀍水

西阻九阿東門于旋

謂東有旋

門在成臯西南十數里

盟津達其後太谷通其

前

孟津四瀆之長故武王為諸侯約誓于其上尚書曰東至于盟津盟津地名在洛北都道

所湊古今以為津太谷在輔氏北洛陽西也洛陽記曰太谷洛城南五十里舊名通谷 迴

行道乎伊闕邪徑捷乎輶輶

伊闕山名也輶輶阪名也迴曲也捷

邪也謂大道迂曲乃當伊闕之外邪徑趣疾當歷輶輶

太室作鎮揭以熊

耳

太室嵩高別名也揭猶表也言以嵩高之嶽為國之鎮也復表以熊耳之山

底柱



輟流鑪以大岨

底柱山名也在河東縣東南向居河中猶柱然也輟止也温

液湯泉黑丹石

緇言泉水如湯浴之可以除病在河南梁縣界中也黑丹石緇

謂黑石雜色也言温液即湯泉之流黑丹石緇之所出

王鮪岫居能鼃三

趾山有穴曰岫王鮪魚名也居山穴中長老言王鮪之魚由南方來出此穴中入河水見日

目眩浮水上流行七八十里釣人見之取之以獻天子用祭其穴在河南小平山處妃

攸館神用挺紀

攸所也館舍也傳曰成王遷九鼎於洛邑十年七百卜世三十

後皆如其言故云神所龍圖授羲龜書畀姁尚

挺紀謂告年紀之處也傳曰伏羲氏王天下龍馬出河遂則其文以畫八卦謂之河圖又曰天與禹洛出書謂神龜負

文而列于背召伯相宅卜惟洛食周公初基其繩則

直

相視也宅居也惟有也食謂吉兆謂初造洛邑召公先相宅卜之吉周公繩度之合于制

度

葛弘魏舒是廓是極葛弘周大夫也魏舒晉大夫獻子也廓猶規也

極致也謂二人率諸侯曰敬以致功規度王城三旬而立之

經途九軌城隅

九雉

南北為經途道也軌車轍也

度堂以筵度室以几

堂明也

筵

席也長九尺

京邑翼翼四方所視

京大也大邑謂洛陽

也翼翼禮儀盛貌言常為四方觀翼翼然也

漢初弗之宅也故宗緒

中圯巨猾間豐竊弄神器厯載三六偷安天位

于時蒸民罔敢或貳其取威也重矣

緒統也圯絕也漢家

不居于洛故宗廟之統中途廢絕也巨王莽字巨君也猾狡也間候也豐隙也神器帝位也言



王莽因成哀無嗣元后秉政漢祚微弱篡處高位載年也三六十八年謂王莽篡位一十八年也天位帝位也于於也蒸衆也罔無也言是時衆民無敢有二心于莽者毛詩曰于時言言尚書曰蒸民乃粒威畏也重猶多也謂天下所畏已者多矣我世祖忿之乃龍飛白水鳳翔參墟世祖光武也忿患疾王莽威重如此也白水謂南陽白水縣世祖所起之處也初爲更始大司馬討王郎于河北北爲參虛分野龍飛鳳翔以喻聖人之興也授鉞四七其工是除授與也鉞斧鉞也四七二十八將也其工霸天下者以喻王莽也六韜曰凡國有難君召將以授斧鉞漢書曰顓頊有其工之陣以定水災欃槍旬始羣凶靡餘欃槍星名也謂王莽之在位如妖氣之在天世祖除之凶惡無餘爾雅曰彗星爲欃槍旬始妖氣也史記曰旬始狀如雄雞也靡無也今言世祖除

凶賊無有遺餘也

區宇又甯思和求中

天地之內稱寓言海內既已又

安思求陰陽之和

睿哲玄覽都茲洛宮

睿聖也玄通也

言通見此

曰止曰時昭明有融

曰辭也時是也融長也言當止

居是洛邑必有昭明之德長久之道也

既光厥武仁洽道豐

止戈曰武

諡法曰功格天下曰光尅定禍亂曰武洽合也豐盛也世祖既能止戈故諡光武言仁義之道

大豐盛也

登岱勒封與黃比崇

登上也岱泰山也謂王者功成作樂治定

制禮故封泰山勒功于石以紀號也黃黃帝逮也史記曰崇高也言世祖與黃帝比其尊號逮

至顯宗六合殷昌

逮及也殷盛也昌熾也顯宗明帝號也六合天地四方也

乃新崇德遂作德陽

崇德德陽皆殿名崇德在東德陽在西相去五十步



啓南端之特闡立應門之將將

啓開也端門南方正門應門中

門昭仁惠於崇賢抗義聲於金商

崇賢東門名也金商西門

名也謂東方爲木主仁如春以生萬物昭天子仁惠之德故立崇賢門于東也西爲金主義音

爲商若秋氣之殺萬物抗天子德義之聲故立金商門于西

飛雲龍于春路

屯神虎于秋方

德陽殿東門稱雲龍門德陽殿西門稱神虎門神虎金獸也秋

方西方也飛飛龍也易曰雲從龍爲木獸春路東方道也

建象魏之兩觀旌

六典之舊章

象魏闕也一名觀旌表也言所以立兩觀者欲表明六典舊章之法

謂懸書于象魏狹日而歛之

其內則含德章臺天祿宣明溫

飭迎春壽安求宵

八殿皆以休令爲名美時飛君之德在應門之內也

閣神行莫我能形

言閣道相通不在于地故曰  
飛人不見行徃故曰神形謂

天子之形容言我無能說其形狀也

濯龍芳林九谷八溪芙蓉覆

水秋蘭被涯渚戲躍魚淵游龜蟠

洛陽圖經曰  
濯龍池名故

歌曰濯龍望如海河橋渡似雷芳林苑名九谷  
八溪養魚池芙蓉荷華也秋蘭香草生水邊秋

時盛也渚水渚也戲游也躍跳也毛詩曰王在  
靈沼於牝魚躍鴈龜類也凡此物謂取有時非

時則恣之游  
戲不驚動也  
求安離宮脩竹冬青陰池幽流玄

泉冽清鴨鵝秋棲鶻鶻春鳴鳴鳩麗黃關關嚶

嬰永安宮名也修長也冬青謂不彫落也水黑色陰幽流謂伏溝從地下流通於河也

鵙 匹鳥腹下白又曰鵙鳩鳩郭璞曰鵙鳩

嬰

永安宮名也修長也冬青謂不彫落也水稱陰幽流謂伏溝從地下流通於河也水黑色

故曰玄泉冽清澄貌爾雅曰鶯斯鵯鵯郭璞曰鶯鵯匹鳥腹下白又曰鵯鵯鵯郭璞曰鶯鵯



似山鵲短尾青黑色秋棲春鳴謂各得其性也  
爾雅曰鵲鳩王鵲也郭璞曰鵲鳩鵲類又曰鵲

鸛鸛黃也鸛黃黑也關關鸛鸛於南則前殿靈臺  
鸛謂音聲和也鸛麗古字通

蘇驩安福前殿露寢也靈臺臺名也蘇驩  
安福二殿名並在德陽殿之南諺門

曲榭邪阻城洫諺門冰室門也臺有木曰榭阻  
依也洫城下池冰室門及榭皆

屈曲邪行依奇樹珍果鉤盾所職  
也奇異也珍貴

主小西登少華亭侯脩勅登升也並有亭有侯  
也修治勅整也謂西

園中有少華之內寔曰嘉德西南其戶匪雕  
華之山

匪刻我后好約乃宴斯息九龍本周時殿名也  
門上有三銅柱柱有

三龍相糾繞故曰九龍嘉德殿在九龍門內也  
詩曰西南其戶不雕不刻尚質也言殿舍之多

其戶或西或南也我后於東則洪池清籟淥水  
謂明帝也宴安息止也

澹澹內阜川禽外豐葭莢獻鼈蜃與龜魚供蝸

麤與菱芡

洪池名也在洛陽東三十里阜多也豐饒也內多魚鼈外饒蘆葦也蝸

螺也菱芡芡雞頭也

其西則有平樂都塲示遠之觀

平樂觀名

也都謂聚會也為大塲于上以作樂使遠觀之謂之平樂在城西

龍雀蟠蛇天

馬牛漢

龍雀飛廉也天馬銅馬也蟠蛇牛漢皆形容也

瑰異譎詭燦爛

炳煥

瑰奇也譎詭變化也燦爛炳煥潔白鮮明之貌

奢未及侈儉而不

陋規遵王度動中得趣

言皆合于禮故奢不至侈儉不至陋也規摹遵

循趨意也度先王之法度舉動合禮之意也家語曰公甫之婦動中得趣

於是觀禮



禮舉儀具

具足也言觀王之光明禮儀皆備具也

經始勿亟成之

不日

勿猶不也亟急也成之不日言不用一日即成之

猶謂為之者勞

居之者逸慕唐虞之茅茨思夏后之卑室

勞苦也逸

樂也

乃營三宮布政頒常複廟重屋八達九房規

天矩地授時順鄉

三宮明堂辟雍靈臺頒布也常舊典也所以行教化布典

禮之宮也複廟重覆也重屋重棟也謂明堂廟屋前後異制謂宮室之飾圓者象天方者則地

也鄉方也言頒政賦常隨時月而居其方月令曰孟春居蒼龍左个

造舟清池惟

水泱泱

造舟以舟相比次為橋毛詩曰造舟為梁泱泱水流貌

左制辟雍

右立靈臺因進距衰表賢簡能

言德陽殿東有辟雍於西有靈

臺謂於其上班教令者曰明堂大合樂射鄉者  
曰辟雍司歷紀候節氣者曰靈臺也進善也衰  
老也言因其進則舉而用之衰減者拒而退之  
謂擇賢以大射所以表明德行簡錄其能否謂  
也辟雍 馮相觀禋祈禱禳災於是孟春元日羣后

旁戾

尚書曰正月元日舜格于文祖孟春正月

也戾至也言諸侯正月一日從  
四方而至各來朝享天子也

百僚師師于斯

胥洎

尚書曰百僚師師百僚謂百官也師師謂  
相師法也胥相洎及也言元日百官於此

相連及而  
來朝賀也 藩國奉聘要荒來質

謂王侯藩稱國  
也言要荒之外

所奉聘令者  
盡來朝見

具惟帝臣獻琛執贄

具之言俱也  
獻貢也琛寶

也執持也贄禮也言蕃國來貢  
者謂隨土所出寶而貢之也

當觀乎殿下者



蓋數萬以二

下覲見也言於此之時當入見于殿

部爾乃九賓重臚人列

言鴻臚所主羗胡之崇人皆羅列于朝廷也

牙張鏞鼓設

崇牙栒簾上板作劒鎔者橫曰栒植曰簾張謂樹之以縣鐘鼓也

郎將司階虎戟交鍛龍輅充庭雲旗拂霓

言虎賁中

郎將主夾階而立虎賁或執戟或持鍛而相對也交鍛謂交加而設兵器也馬八尺曰龍輅天子之車也故曰龍輅充滿也庭朝廷旗謂熊虎

為旗為高至雲故曰雲旗也楚辭曰載雲旗之透夷拂至也

寬天邊氣也夏正三朝庭燎晝晝

夏家建寅之正漢家所用

也三朝歲月日朝晝晝光明也

撞洪鐘伐靈鼓旁震八鄙軒磬

隱訇若疾霆轉雷而激迅風也

撞鏗也伐擊也靈鼓六面鼓也

旁四方也震驚也八鄙四方與四角也軒轅隱  
司鐘鼓之聲也霆霹靂也迅疾也言鐘鼓之聲  
又若雷霆之相轉是時稱警蹕已下彫輦于東  
急風之迅疾也

廂

警謂清道也輦人挽車彫謂有彫飾殿東西次爲廂

冠通天佩玉璽紆

皇組要干將負斧辰次席紛純左右玉几穆穆

而南面以聽矣

通天冠名也佩帶也璽天子印也蔡邕獨斷曰天子冠通天紆

垂也皇大也組綬也干將劍名越絕書曰楚王  
令歐冶子干將爲鐵劍三枚一曰龍淵二曰太

阿三日工市也吳越春秋曰干將者吳人造劍  
二枚一曰干將二曰莫耶白與黑謂之斧辰屏

風樹之坐後也次席竹席也紛純謂以組爲緣  
周禮曰天子左右玉几鄭玄曰左右有几優至

尊也然後百辟乃入司儀辨等尊卑以班璧羔皮



帛之贊既奠

百辟諸侯也司主也儀法也辨別也言百官有分別者謂司主之次

也班位次也謂尊卑有差等也

天子乃以三揖之禮禮之穆穆

焉皇皇焉濟濟焉將將焉信天下之壯觀也

壯觀

言天下之人壯大觀覽也

禮記曰天子穆穆諸侯皇皇大夫濟濟士將將鄭立曰威儀容止之

貌史記曰天下之壯觀也

乃美公侯卿士登自東除訪萬機

詢朝政勤恤民隱而除其眚人或不得其所若

已納之於隍

美延也登進也謂命之上殿也天子從中階諸侯從東西階言機微

之事日有萬種詢謀也謂與謀朝政有所先後者也恤憂也隱痛也胄病也言有隱痛不安者

今憂恤之也隍城下坑無水者

荷天下之重任匪怠皇以甯靜

荷負也怠懈也皇暇也言無有發京倉散禁財

解怠于甯靜者謂常有所憂也

發開也京大也禁藏也賚賜也

賚皇僚逮輿臺

發禁庫之財無問命膳夫以太饗饗餼浹乎家

貴賤皆賜及之

陪周禮曰膳夫主食之官熟曰饗腥曰

春醴惟

醇燔炙芬芬

醇厚也燔炙謂炙肉也芬芬香氣盛也

君臣歡康具

醉薰薰千品萬官已事而跋

康樂也具俱也言君臣皆歡樂而和

說也已止也跋退也謂品秩官僚等竝止事而退還

勤屢省懋乾乾

屢數也省

察也懋勉也

清風協於玄德淳化通於自然

協

乾乾敬也

也淳厚也玄天也自然通神明也言帝如此憲清惠之風同於天德醇厚之化通於神明也



先靈以齊軌必三思以顧愆

憲法也先靈先聖之神靈即謂堯舜

也愆過也齊同也軌迹也言有事能思信與先聖同軌迹也

招有道於側陋

開敢諫之直言聘丘園之耿潔旅束帛之弔弔

招明也有道言使郡國于側陋之中舉有道之士而用之也直言謂直諫者也耿清也旅陳也謂有清潔者也言丘園中有隱士貞潔清白之人聘而用之束帛謂古招士必以束帛加璧于上周易曰六五賁于丘園束帛弔弔王肅曰失位無應隱處丘園蓋蒙闇之人道德彌明必有束帛之聘也弔上下通情式宴且盤

上謂君下謂臣式用

也盤樂也言君情通于下臣情達于上故能國家安而君臣歡樂也

及將祀天郊

報地功

將欲也白虎通曰祭天必在郊者天體至清故祭必于郊取其清潔也周禮以

正月上辛郊祀告于上帝祭天而郊以報祈福  
去年土地之功京房易占曰立秋報地功祈福

乎上玄思所以爲虔言天子祭天地之際思念

所以盡其忠敬肅肅之儀盡穆穆之禮殫然後以獻精

誠奉禋祀曰允矣天子者也殫盡也獻進也允信也天子言是天

帝之乃整法服正冕帶整理也冕所謂平天冠也言天子素帶朱裏謂

三皇已來始冕制有數種鄭玄曰長一尺七寸  
廣八寸前圓後方以珠玉飾之也法服謂衣服

並有珩紃紼玉笄綦會火龍黼黻藻綵聲厲  
法度

笄簪也謂結飛雲之袷輅樹翠羽之高蓋次車

也次車樹翠羽爲蓋如雲建辰旒之太常紛焱  
飛也今世謂之羽蓋車也



悠以容裔

辰謂日月星也畫之于旌旗垂十二旒太常上畫三辰以象天明也謂天

子十二旒諸侯九旒大夫三旒紛盛也悠從風貌容裔高低之貌焱火花也言風鼓動旌旗紛

紘盛亂如火花之飛起

六玄蚪之奕奕齊騰驤而沛艾

六六

馬也玄黑也天子駕六馬騰驤趨走也奕奕光明貌沛艾作姿容貌也

龍輶華轡

金鏤鏤錫

輶車輶輶端上刻作龍頭也華采畫也

方鉉左纛鉤膺

玉璫

方鉉謂輶旁以五寸鐵鏤錫中央低兩頭高如山形而貫中以翟尾結著之輶兩邊

恐馬相突也左纛以旄牛尾大如斗置驂馬頭上以亂馬目不令相見也鉤膺當胸也璫馬帶

玦以鑾聲噦噦和鈴缺缺

鑾在衡和在軾皆以金為鈴也噦噦和鳴

聲缺缺

重輪貳轄䟽轂飛軫

蔡邕獨斷曰乘輿重轂外復有一轂

副轄其外乃復設轄然重輪即重轂也飛鈴以緹紬廣八尺長挂地畫左青龍右白虎繫軸頭

取兩邊飾蔡邕月羽蓋葳蕤葩瑤曲莖羽蓋以令章句曰翫縷也

車蓋也葳蕤羽貌葩瑤悉以金作華形莖皆曲蔡邕獨斷曰凡乘輿車皆羽蓋金華爪與瑤同

順時服而設副威龍旂而繁纓五時之服各隨其車車各一色

以為副貳副車各一乘今謂之五帝車也龍旂者交龍為旂也輦今之馬大帶也纓馬鞅也

立戈迤戛農輿輅木戈謂木勾矛戟也戛長矛也矛置車上邪柱之是謂

戎輅農輿無蓋所謂耕根車也言耕稼于籍田乘焉無飾故稱木屬車九九乘

軒並轂副車曰屬言相連也屬車有藩者璫弩

重旂朱旄青屋通帛曰旂朱旄旄牛尾赤色者也青屋青作蓋裏也奉引



既畢先輅乃發奉引謂引道者言引道鸞旗皮

軒通帛綰旆鑾旗謂以象鸞鳥也雲罕九旂關

戟轆轤雲罕旌旗之別名也九旂亦鸞髦被繡

虎夫戴鶡鸞髦鸞髦頭駙承華之蒲梢飛流蘇之

騶殺駙副馬也承華廐名也言取華廐之總輕

武于後陳奏嚴鼓之嘈囂後陳者謂北軍五營

也聲戎士介而揚揮戴金鉦而建黃鉞戎兵也士

甲也揮為肩上絳幟如燕尾者也金清道案列

鉦鉦鐻鐻之屬也黃鉞以黃金飾之天行星陳肅肅習習隱隱

麟麟殿未出乎城闕

旆已廻乎郊畛

清道謂蹕止行者列猶次也言天子行如上天之星行羅列有

次肅肅敬貌習習行貌隱隱衆多貌也毀後軍也旆前軍也郊畛謂郊界也言從之

多後猶未出城闕盛夏后之致美爰恭敬於明

神盛猶嘉也夏后禹也言今嘉欲爾乃孤竹之

管雲和之瑟孤竹國雷鼓雷鼓六變既畢雷鼓

鼓凡樂六變爲一成則更奏畢盡也冠華秉翟列舞八佾冠華以鐵作之

上闊下狹以翟雉尾飾之舞人頭戴一行羅列

八人八八六十四人調今麥策花也穀梁傳曰

舞夏天子八佾元祀惟稱羣望咸秩元大也祀祭也稱

之禮既舉羣岳衆神望颺颺禎燎之炎煬致高煙

以祭祀之皆有秩次



乎太一

賜飛賜也。燠之言聚也。謂聚薪焚之。揚其光炎使上達于天也。太一天之尊神。

也。曜也。寶也。

神歆馨而顧德，祚靈主以元吉。

歆，饗也。顧，眷也。

祚，報也。靈，明也。元，大也。吉，福也。言天神觀人主之明，肅顧饗其馨香之祭，故報之以大福。尚書

曰：明德惟馨。周易曰：黃裳元吉。然後宗上帝於明堂，推光武以

作配。

宗尊也。上帝，太微中五帝也。配對也。言尊祭五帝于明堂，以光武配之。漢書曰：明帝

宗祀五帝于明堂。辨方位而正則，五精帥而來

以光武皇帝配之。摧精五方星也。帥，循也。摧，至也。言五帝總集至

明尊赤氏之朱光，四靈懋而允懷。

赤氏，謂漢火德所統赤帝。

燁，怒也。河圖曰：四靈，蒼帝神名，靈威仰；赤帝神名，赤熛怒；黃帝神名，含樞紐；白帝神名，白招拒。

黑帝神名協光紀今止云四靈於是春秋改節謂除赤餘有四懋悅也懷安也

四時迭代蒸蒸之心感物增思改易迭更也代謝也言感四時

之謝而欲享祀也廣雅曰蒸蒸孝也感物謂感四時之物即春韭卯夏麥魚秋黍肫冬稻鴈孝

子感此新物躬追養於廟祧奉蒸嘗與禴祠言祭則思祭先祖

皆追感孝養之道故物牲辨省設其楅衡物牲躬自爲之躬猶身也

祀之牲物皆徧省視之也橫木於牲角端以備抵觸謂之楅衡毛魚豚胎亦有

和羹滌濯靜嘉禮儀孔明滌濯謂洗滌也靜絜也嘉善也孔明甚也言

禮儀甚鮮明也萬舞奕奕鐘鼓喤喤萬舞干也奕奕舞形也喤喤鼓聲也

靈祖皇考來顧來饗神具醉止降福穰穰靈皇神名



謂先帝也言先帝之神顧愍子孫享其食也神  
謂先神也具俱也止已降下也穰穰衆多也

及至農祥晨正土膏脉起農祥天駟即房星也晨時正中也謂正月

初也乘鑾輅而駕蒼龍介馭間以刻耜天子車帝在左御在

中介躬三推於天田脩帝籍之千畝供禘郊之

粢盛必致思乎勤已禘郊謂祭天子于南郊也言天子籍田千畝必須親耕

者為敬其祖考用充宗兆民勸於疆場感懋力

以耘耔兆民謂百姓也疆田畔也耘去草耔壅本也春日載陽合射

辟雍陽暖也言春三月之時與諸侯合射辟雍行禮教設業設虞宮懸

金鑄設施也業桷上板刻為鴈齒捷業然植者為虛橫者為桷以施設縣之宮中也鑄大

鐘也。鼗鼓路鼗樹羽幢幢。鼗大鼓也。鼗小鼓也。幢幢羽貌。於是備

物，物有其容。言備具也。物，禮物也。射之禮物並有容飾也。伯夷起而

相儀，后夔坐而為工。伯夷，唐虞時明禮儀之官也。后夔，舜臣掌樂之官。言

禮以行施，故云起。樂以靜陳，故云坐。張大侯，制五正，設三乏，屏司

旌。言大射，張三侯，故設三乏。乏以革為之，護旌者之禦矢也。司旌謂執旌司射中當舉之。周

禮曰：服不氏射，則以旌居乏而待獲。杜子春曰：乏，音為匱，乏之乏，爾雅曰：屏隱也。并夾

既設，儲乎廣庭。并夾，鉗矢者。周禮曰：射則取矢也。言侯高則以并夾取之也。儲

待也。廣大也。謂張設於大庭以待天子也。於是皇輿風駕，蒞於東階

階。蒞之言却也。謂却於東階下。天子未乘之時也。以須消啓明，掃朝霞，登



天光於扶桑

須俟也消不見也掃滅也言晨時

霞日邊赤氣也謂天子須啓明光消霞滅日天

子乃撫玉輅時乘六龍發鯨魚鏗華鐘大丙弭

節風后陪乘

玉輅謂玉飾之也鄭玄禮記注曰

龍發舉也鏗猶擊也華鐘

謂有篆刻文故言華也攝提運衡徐至於射

宮

攝提有六星玉衡北斗中星主迴轉並飾禮

事展樂物具王夏闋騶虞奏

展謂舒陳器物也物具謂器物皆具

備也王夏樂名也天

決拾既次彫弓斯彀

決以象骨

著右手巨指所以鉤弦也拾韝捍著

達餘萌于

暮春昭誠心以遠喻

昭明也誠心謂天子之心也

進明德而

崇業滌饗饗之貪欲

射義曰射所以觀德也崇猶興也業射業也滌蕩去

也言有貪婪嗜慾者皆滌蕩去之也

仁風衍而外流誼方激而遐

驚

衍布也方道也激感也遐遠也驚馳也

日月會於龍甃恤民事

之勞疚

甃尾也日月會于尾謂十月時也疚病也民勞病于歲事到此月乃終也故天

子愍恤勞來之

因休力以息勤致懽忻於春酒

謂田事畢休民

力息勤勞也

執鑾刀以袒割奉觴豆於國叟

言天子親執鑾

刀袒右膊而割牲以示敬也

降至尊以訓恭送迎拜乎三壽

降下也至尊天子也三壽三老也言天子尊而養此三老者以教天下之敬故來拜迎去拜送



焉敬慎威儀示民不偷敬宜也儀禮也毛詩曰敬慎威儀視民不佻

莫曰佻我有嘉賓其樂愉愉嘉賓謂三老五更也愉愉和悅之貌

聲教布濩盈溢天區布濩猶散被也天區謂四方上下也言天子教愛及

之尚書曰聲教訖于四海文德既昭武節是宜既已也昭明也宜猶發也

言文武之教無處不臨三農之隙曜威中原隙閒也曜威謂治兵也

歲惟仲冬大閱西園西園上林苑也虞人掌焉先期戒

事先期日勅戒羣吏修獵具也悉率百禽鳩諸靈囿悉盡也率歛也

鳩聚也囿苑也囿謂獸之所同是謂告備同亦聚也

備具也言禽獸皆已乃御小戎撫輕軒毛詩曰小戎伐

收謂小戎之事輕便宜中畋四牡既佶且閑

獵鄭立曰輕車驅逆之車中畋謂馬調良而可用獵者戈矛若林牙旗續

紛迄于上林結徒為營貌若林言多也續紛風吹

之旌謂古者天子出建大牙旗竿上以象牙飾之故云牙旗迄至也結止也徒眾也營域也上

林苑次和樹表司鐸授鉦次比也和軍之正門名

主也鉦鐸所坐作進退節以軍聲言聲中進退以為軍節

為三令五申示戮斬牲示教也言三令五申示節

之若陳師鞠旅教達禁成陳師猶列師眾也鞠牲也

令五申禁令已火烈具舉武士星敷具俱也敷行軍法成也



士獵徒如星之布也。鷺鷥魚麗箕張翼舒。鷺鷥名也。謂武士發

于此而列行如箕之張如翼之舒。軌塵掩迹匪疾匪徐。掩迹也

謂車軌之塵適自覆跡言得遲疾之中也馭不詭遇射不翦毛升獻

六禽時膳四膏。升進也馬足未極輿徒不勞成禮

三毆解罟放麟。極盡也。與衆也。勞罷勞也。大鹿曰麟。解散也。罟罔也。周易曰王

用三毆失前禽也。毆與驅同。不窮樂以訓儉不殫物以昭仁

窮極也。訓教也。殫盡也。物謂禽獸也。言殺禽獸不盡。即昭明人君行仁之道。謂崇儉故也。慕

天乙之弛呂。因教祝以懷民。天乙殷湯名也。弛廢也。儀姬

伯之渭陽失熊羆而獲人。儀則也。姬伯文王為西伯也。澤浸

昆蟲威振八寓

浸潤也八寓八方區宇也

好樂無荒允文允

武

允信也無荒言不好荒淫之樂信與文王武王等其功德也

薄狩于敖既

瑣瑣焉岐陽之蒐又何足數

敖鄭地今之河南陽謂成王所狩之地亦以小不足可數也

也璅璅小也言鄙不足說也岐陽岐山之爾乃

卒歲大儺毆除羣癘

卒終謂一歲之終儺逐疫鬼

方相秉鉞

巫覡操茆倮子萬童丹首玄製

倮子童男童女也丹朱也玄製

阜衣也

桃弧棘矢所發無臬飛礮雨散剛瘴必斃

桃弧謂弓也棘矢箭也瘴難也言鬼之剛而難者皆盡死也

煌火馳而星流

逐赤疫於四裔

煌火光也馳競也赤疫疫鬼惡者也四裔謂四海也星流謂羣



鬼競走煌煌然如火光之與星流也然後凌天池絕飛梁凌升捎

魍魎魍魎山澤之神獮斲獮狂斬蜺蛇腦方良魍魎山澤之神獮

殺也斲擊也方良草澤之神也腦陷其頭也囚耕父於清冷溺女魍

於神潢清冷水名在南陽西鄂山殘夔魍與罔

象殪野仲而殪游光殘猶殺也夔木石之怪如

則其邑大旱說文曰魍魎精鬼也罔象木石之怪

殪殺也殪滅也野仲游光惡鬼也兄弟八人常

在人間八靈為之震懼況魍魎與畢方魍小兒

作怪害老父神如鳥兩足一翼者度朔作梗守以鬱壘

常銜火在人家作怪災也神荼副焉對操索葦東海中度朔山有二神一曰神荼二曰鬱壘領衆鬼

之惡害者執以目察區陬司執遺鬼察觀也區

葦索而用食虎間也司主也謂于度朔京室密清罔有不睦密

也清潔也罔無也謂無復疫癘皆得安善也於是陰陽交和庶物

時育庶衆也漢書曰陰陽和風雨時言卜征考

祥終然允淑征巡行也考問也祥乘輿巡乎岱

嶽勸稼穡於原陸乘輿天子也岱泰山也種曰

課民以耕種故尚書云同衡律而一軌量齊急

舒於寒燠衡秤也軌法也寒燠猶苦樂省幽明

以黜陟乃反旆而廻復省察也黜退也



功者退尚書曰三載考績黜陟幽明反施謂迴還也望先帝之舊墟慨長

思而懷古俟聞風而西遐致恭祀於高祖先帝先神

也舊墟長安也慨歎息也古往也謂前漢初也

俟待也聞風秋風也祠謂祭祀高祖廟也遐逝也

既春游以發生啓諸蟄於潛戶春游謂仲春巡行岱岳是

時蟄蟲皆開戶帝乃東巡助宜氣也度秋豫以收成觀豐年之多

稔秋行曰豫謂秋行禮高祖廟此時萬物始成嘉田峻之匪懈勤致

資于九扈嘉善也峻主田官也九扈農正知田事扈正也言天子行慶福致資于九

扈使民不淫放左瞰陽谷右睨玄圃眇天末以遠期規

萬世而大摹陽谷日出之處玄圃在崑崙山上瞰望也睨視也眇視也摹法也言

帝之巡狩眈然以天末為遠且歸來以釋勞膺

多福以安念

念宵也歸謂西征旋乃釋吏士總之劬勞祭祀受多福以安宵也

集瑞命備致嘉祥

總會也集聚也祥神也即騶虞澤馬之屬也瑞應也即鸞

鳳之屬也

圉林氏之騶虞擾澤馬與騰黃

圉牢養也林氏山名

也騶虞義獸也

鳴女牀之鸞鳥舞丹穴之鳳皇

女牀山名在華

陰西六百里山海經曰女牀之山有鳥焉其狀如鶴五色文名曰鸞鳥見即天下安宵又曰丹

穴之山有鳥焉其狀如鵠五采名曰鳳皇是鳥也飲食自歌自舞見則天下安宵植華

平於春圃豐朱草於中唐

植猶種也華平瑞木也天下平其華則平

有不平處其華則向惠風廣被澤洎幽荒

惠恩也洎



及也幽荒九州外謂四夷也北燮丁令南諧越裳燮諧皆和也越裳南

蠻今九真是西包大秦東過樂浪重舌之人九

譯僉稽首而來王重舌謂曉夷狄語者九譯言始至中國者也是故

論其遷邑易京則同規乎殷盤改奢卽儉則合

美乎斯干斯干謂周宣王儉宮室之詩也今漢

光武改西京奢華而登封降禪則齊德乎黃軒

爲無爲事無事永有民以孔安遵節儉尚素樸

思仲尼之克已履老氏之常足登謂上泰山封土降謂下禪梁

父也言光武登上泰山下禪梁父則與黃帝軒轅齊其功德爲作也事業也永長也孔甚也以無爲

為功以無事為業澹然不煩瀆也也言遵循節儉尚其樸素也孔子曰克已復禮  
馬融曰克已納身將使心不亂其所在目不見其可欲

賤犀象簡珠玉藏金於山抵璧於谷

簡猶畧也藏抵皆謂

不取之謂儉故也

翡翠不裂璊珉不族

翡翠鳥名也璊珉名不裂不

折其羽以為玩飾也不族不又族取之為器也

所貴惟賢所寶惟穀民

去末而反本咸懷忠而抱慤

詐偽為未忠信為本

于斯之

時海內同悅曰吁漢帝之德馨侯其禕而

言於此之

時皆同歡樂也于於也悅樂也吁驚也禕美也

蓋冀茲為難時也故曠

世而不覲惟我后能殖之以至和平方將數諸



朝階

覲見也。冀茨瑞應之草。王者賢聖太平和氣之所生生于階下始一日生一莢至月

半生

十五莢十六日落一莢至晦日而盡。小月

則一

莢厭不落。王者以證知月之小。大堯時夾

階生

之謂不世見。故云難莢也。后帝也。惟我帝

有至

和之德。故必能植之。方當生於朝。陛得以

數知

月之大。然則道胡不懷。化胡不柔。胡何也。

小謂

冀茨也。

柔安

也。言聲與風翔澤從雲遊。翔游皆行也。風

皆安

之也。

兩者

天之膏潤。故聲教與萬物我賴亦又何求。

風皆

翔恩澤與雲俱行也。

我賴

我。也。言萬物皆賴帝德。寓天覆輝烈光

之恩

惠以得所。無復他求也。

燭

寓猶蓋也。帝之德蓋如天之狹。三王之趨起

覆日

月之光輝。照於遠近也。

軼五

帝之長驅。踵二皇之遐武。誰謂駕遲而不

軼

五帝之長驅。踵二皇之遐武。誰謂駕遲而不

能屬

狹謂陋也趨起局小貌也軼過也驅馳也言以三王禮法爲局小狹陋過五帝而遠

馳則

繼三皇之跡也踵繼也二皇伏羲神農也邀遠也武迹也屬逮也誰敢謂今所駕者遲而

不能逮

言必能逮也東京之懿未罄值余有犬馬之疾不

能究其精詳故粗爲實言其梗槩如此

懿美也罄盡也

先生言東京之美未盡遇我有疾故不能究其美事也粗猶畧也賓西京也梗槩不纖密言粗

舉大綱如

若乃流遁忘反放心不覺樂而無節

此之言也

後離其戚

言若流情放心不自反寤恣意所爲淫樂無禮以爲節終後卒當罹其憂

禍卽秦皇

一言幾於喪國我未之學也

幾近也先生責

王莽是也

公子云取樂今日皇恤我後其言甚非也

且夫挈餅之智守不假器



況纂帝業而輕天位

言挈餅之小智耳尚不妄以假人也纂繼也今如公

子言皆滯心放意之事此乃輕居天王之尊位而禪於董賢

瞻仰二祖厥庸

孔肆常翹翹以危懼若乘奔而無轡

庸功也孔甚也肆勤

也言瞻望高祖功庸甚勤苦而得之也言居天子之位常若奔馬而無轡履水而負重也

白

龍魚服見困豫且雖萬乘之無懼猶怵惕於一

夫終日不離於輜重獨微行其焉如

說苑曰吳王欲從民

飲伍子胥曰昔白龍下清冷之淵化為魚豫且射中目白龍不化豫且不射君今棄萬乘之位而從於臣恐有豫且之患此言先生責公子陰戒期門微行要屈萬乘天子也即秦始皇高祖也昔秦始皇東游為張良所擊中其副車漢高祖於栢人亭幾為貫高所中輜重車也焉言安

也如往也公子說微行要夫君人者鞋續塞耳

屈故先生問之言欲何往

車中不內顧鞋續言以黃綿大如丸懸冠兩邊當耳不欲妄聞不急之言也內顧

謂不外視臣下之私也

珮以制容鑾以節塗

佩為行容行鑾為車節行

不變玉駕不亂步

行合容則玉聲應馬步齊則鑾和響並謂君之禮法却

走馬以糞車何惜騾褭與飛兔

却退也老子曰天下無道戎馬

生于郊天下有道却走馬以糞河上公曰糞者糞田也兵甲不用却走馬以務農田然今言糞

車者言馬不用而車不敗故曰糞車何惜言不愛之

方其用財取物常畏

生類之殄也賦政任役常畏人力之盡也取之

以道用之以時

方將也生類謂天下萬物之類也殄盡也謂任役使人常畏人



力盡也。論語曰：敬事而信，節用。而愛人，使民以時，此之謂也。山無槎枿，

麋胎。

斜斫曰槎，斬而復生曰枿。不麋胎者，言不

昔先王山不槎，如公子所道，獲胎拾卵，校獲麋麋也。漢書

草木繁廡，鳥獸阜滋。

繁滋也，廡盛也，阜大也。

也。滋益也。

民忘其勞，樂輸其財。

民謂百姓也。言民不

財賦為損費，故文王有子來之。民武帝時卜式入錢以助官也。

百姓同於饒衍。

上下共其雍熙。

言富饒是同。上下咸悅，故能雍

與不

洪恩素蓄，民心固結。

洪大也。蓄積固牢，固也。謂高祖已下積思

施惠，人心固結，故王莽執義，顧主夫懷貞節。

猶

人人也。言執禮義之心，顧思漢德人懷貞

正之志分也。楚辭曰：原生受命于貞節。

慝之干命。怨皇統之見替。立謀設而陰行。合二

九而成譎。

慝惡也。統嗣也。替廢也。謂忿王莽之逆命。怨漢統之替廢也。立神也。譎變

也。謂王莽之謀陰行十八年而成變計也。

登聖皇於天階。章漢祚之

有秩。

聖皇光武也。章明也。秩常也。言明漢家之常秩。

若此。故王業可樂

焉。今公子苟好勦民。以媮樂。忘民怨之爲仇也。

若如此也。言如此卽王業之可樂也。勦盡也。媮猶僥倖也。仇讐也。今公子所言苟好盡人以僥

倖。須臾之樂。不知人民共怨已當成大讐也。

好殫物以窮寵。忽下叛

而生憂也。

殫盡也。寵驕也。忽忘也。生憂謂生已之憂患也。言好盡人之財以寵極驕

逸之樂。忘人叛已之爲大患也。漢書谷永曰。財竭則下叛。下叛則上亡。

夫水所以



載舟亦所以覆舟

覆敗也

堅冰作於履霜尋木起

於蘖栽

言事皆從微至著不可不慎之于初昧所以尋木起於牙蘖洪波出于涓泉

且不顯後世猶怠況初制於甚泰服者焉能改

裁

昧早也丕大也顯明也怠懈也謂起行大明之道後世子孫猶尚懈怠譬如為人裁衣始

制之洪大服者得而衣之何能更小之乎故相如壯上林之觀揚雄

騁羽獵之辭雖系以頽牆填漐亂以收置解罟

卒無補於風規祇以昭其愆尤

系繼也亂理也相如上林賦曰

乃命有司隤墻填漐使山澤之人得至焉揚雄羽獵賦曰放雉兔收置罟規猶諫也祇適也愆短也尤過也言不能補其愆過臣濟參以陵君忘經國之長基

故函谷擊柝於東西朝廷顛覆而莫持

濟謂度也度於

奢侈謂僭也陵踰君法若季氏八佾舞於庭左傳莒弘曰毛得以濟侈於王都言尊卑所以爲

國今反陵之故非所以經國柝守夜所擊木也顛隕也持扶也謂王莽之兵猶擊柝守函谷關

而三輔兵已自入長安宮朝廷顛隕無復扶凡持也東謂函谷在京之東西朝則京師也

人心是所學體安所習鮑肆不知其臭翫其所

以先入

所習爲心所好愛者卽學翫習也先入言久處其俗也

咸池不齊

度於蠅咬而衆聽者疑惑能不惑者其唯子野

乎

齊同也咸池堯樂也蠅咬淫聲也言咸池之音本不與蠅咬同而衆聽者乃有疑惑子野

師曠字曉音曲者以喻安處先生也言西京奢泰肆情不依禮度東京儉約依禮行事衆人觀之



謂是其一唯安處客既醉於大道飽於文義客

先生得知其指公子謂聞東京文勸德畏戒喜懼交爭勸德謂

義之道若醉飽焉先生說東京禮法自勸勉行罔然若醒朝疲夕

其道德又畏懼先生之戒也酒也朝罷夕倦夜不卧

倦奪氣褫鬼之爲者也惘然猶惘惘然也醒病

惘然如神奪其精氣又若鬼忘其所以爲談

亡離其身今公子亦如之也失其所以爲夸良久乃言曰鄙哉予乎予習非

而遂迷也幸見指南於吾子公子本以奢侈爲

東京之德所以忘美失夸也良久頃乃復能言美談今見先生述

也自鄙其迷惑所學者非正也言已之惑不知南北今先生指以示我

我則足以三隅反也若僕所聞華而不實先

生之言信而有徵鄙夫寡識而今而後乃知大

漢之德馨咸在於此

若如也公子言如僕所聞西京之事蓋是虛華而無

實錄先生安處先生也徵驗也言先生之言信有徵驗也公子重自鄙曰如今日後日乃知大

漢之德在於此耳

昔常恨三墳五典既泯仰不覩炎帝

帝魁之美

三墳三皇之書也五典五帝之書也泯滅也睹見也炎帝神農後也帝魁

神農名並古之君號也

得聞先生之餘論則大庭氏何以

尚茲走雖不敏庶斯達矣

先生安處先生也大庭古國名也尚高也

走公子自稱走使之人如今言僕也不敏猶不達也公子言我雖不敏於大道庶幾先生之說

遂達矣



張河間集卷一終



弘治間集

卷之一

三

弘治間集  
卷之一  
三

弘治間集  
卷之一  
三

弘治間集  
卷之一  
三



